



Անդրդվելի պայքարի պատգամ

Քանի դեռ չի մարել պայքարի ոգին ու կորովը, Հայ դատը չի կարող լինել վերացական հասկացողություն: Հայաստանի երրորդ Հանրապետության առաջին նախագահը փորձեց և փորձում է շարունակել նսեմացնել Հայ դատը՝ Հայ դատականներ՝ «ազգայինը կեղծ կատեգորիա» պիտակներ օգտագործելով: Դա շարունակությունն է սովետական յոթանասուն տարի շարունակ տեսած քարոզչությանը: Յոթանասուն տարիների ընթացքում խորհրդային կարգերի պայմաններում ազատ ու անկախ հայրենիք ունենալու հայ ժողովրդի ազգային-ազատագրական պայքարի ոգին երբեք չի մարել, համակողմանի քարոզչությունը չի արդյունավորվել:

Խորհրդային մամլիչի առկայության պայմաններում հայկական գաղթօջախներում Հայ Հեղափոխական Դաշնակցության անխոնջ պայքարի և պատմության մեջ թողած ավանդի շնորհիվ սերունդներ են դաստիարակվել ազգային գաղափարախոսությամբ և անկախ հայրենիքի տեսլականով: Սփյուռքյան պայմաններում ծնված և հայրենիքը ոչ շոշափելի գաղափարական հենքի վրա ճանաչած սերունդները չեն անտեսել պայքարի ուղին ու մինչև իսկ կյանքի գնով պահանջատեր եղել ազգի իրավունքների վերականգնման համար: Այս երեւոյթի անառարկելի փայլուն ապացույցն է խտանում 1983թ. Լիսաբոնի գործողության մեջ:

Հինգ հայրողիներ, դաշնակցական և պատանեկան քուրայի մեջ թրծված մարտիկներ իրենց կյանքի գնով ապացուցեցին, որ հանուն գաղափարի կարելի է գոհաբերել ամենաթանկը:

Հինգ մարտիկների կերտած սխրանքը փարոս պետք է լինի մեր սերունդների համար: Հանուն ազգային գաղափարի կյանքը նվիրաբերելու վեհ պատգամն առհավատյալ է պայքարի հարատեւման համար: Պետք է պատկերացնել այդ օրերի իրավիճակն ու հանգամանքները սխրանքի խորությունն ըմբռնելու համար:

Ազգային ազատագրական պայքարի ոգով տոգորված Հայ հեղափոխական բանակի հինգ մարտիկների սերունդը այն օրերում է դաստիարակվել, որ դեռևս անհնարին է եղել հայրենիքի հողի վրա պայքարելու, հողն ազատագրելու իրական հնարավորությունը:

Չկար Արցախյան պայքար: Հայրենիքը տեսանելի էր ֆիդայիների պայքարի պատմությամբ և այն տեսլականով ու փափագով, որ «արդյո՞ք մեզ էս բախտ կվիճակվի կռվել հայրենիքի ազատագրության համար»: Անկախ Հայաստանի խորհրդակիցներ եռագույն դրոշմն ու գերբը միայն ու միայն կանգուն էին Դաշնակցության կենտրոններում, որոնք պահվում էին սրբությամբ ու ամենայն հարգանքով՝ ճիշտ ժամանակին ու օրը հետ վերադարձնելու հայկական անկախ պետականությանը:

Այդ պայմաններում ծնվեց պահանջատիրության՝ անիրավության դեմ գնեցով պայքարի գաղափարը: 1974թ. թիրախ դարձան հաստատություններն ու դիվանագետները, այդ ձևով միջազգային բեմերում բարձրացնելով հայ ժողովրդի կամքն ու վճռականությունը իր իրավունքներին տիրանալու ուղղությամբ:

Քառասուն տարվա հեռավորությամբ, երբ հետախաչք ենք ուղղում պայքարի այդ ոճով իրականություն դարձած շոշափելի ձեռքբերումներին, այլընտրանք չունենք, բացի դասերի սերտելուց ու հարգանք տածելուց այդ օրերի սխրանքներ իրականացրած սերունդներին:

Այսօր կանգնած ենք հայրենիքը կորցնելու իրական վտանգի առջև: Մոտիկ անցյալում էս ակնատեսն ենք եղել հազարավոր հայրողիների՝ հանուն հայրենիքի անկախության ու ազատության համար պայքարի իրական դրվագների, սակայն միշտ էլ առաջամարտիկների այդ ուղղությամբ լիակատար նվիրումով ամենաթանկը գոհաբերողները դասվելու են որպես ընդօրինակելի հերոսներ:

Սիւսայն խորհուրդը, որը մեզ է փոխանցվել քառասուն տարիներ առաջ և պիտի մեզ գոտեպնդի դիմակայելու և անդրդվելի լինելու համար:



© DAVID GHARAMANYAN

Ադրբեջանական ապօրինի անցակետից ԱՀ քաղաքացի է առևանգվել

Հուլիսի 29-ին Արցախի Հանրապետության քաղաքացի, 1955թ. ծնված Վազիֆ Խաչատրյանը բուժում ստանալու նպատակով Կարմիր խաչի միջազգային կոմիտեի ուղեկցությամբ տեղափոխվում էր քաղաք Երեւան, սակայն Լաչինի միջանցքում ապօրինաբար տեղադրված հսկիչ անցակետում առևանգվել է Ադրբեջանի ներկայացուցիչների կողմից:

«Վազիֆ Խաչատրյանին և ԿԽԿ Ստեփանակերտի գրասենյակի օտարազգի ներկայացուցչին նստեցրել են «Նիվա» մակնիշի մեքենա, որն ուղեւորվել է դեպի Հայկարիի կամրջի ներքեի հատված: Մոտ 10 րոպե անց «Շեվրոլե» մակնիշի մեքենայով ԿԽԿ ներկայացուցիչը վերադարձել է «անցակետ», իսկ Վազիֆ Խաչատրյանը տարվել է անհայտ ուղղությամբ: Ըստ վկայության՝ ԿԽԿ ներկայացուցչին ադրբեջանցիները հրելով դուրս են հանել մեքենայից»,- ասվում է ԱՀ մարդու իրավունքների պաշտպանի տարածած հաղորդագրության մեջ:

Նույն օրը Ադրբեջանի գլխավոր դատախազությունը հայտարարել է, որ ադրբեջանցի ուժայինների կողմից առևանգված Արցախի քաղաքացին ձերբակալվել է ու տեղափոխվել Բաքու: Նշվում է, որ Վ. Խաչատրյանն անցնում է «1991 թվականի դեկտեմբերի 22-ին հայկական զինված խմբավորումների անդամների կողմից ցեղասպանության, ազգությամբ ադրբեջանցիների տեղահանության, պետությանը պատկանող գույքի ոչնչացման և վնասման փաստերով»:

«Ադրբեջանի գլխավոր դատախազության կողմից Վազիֆ Խաչատրյանի նկատմամբ հարուցված քրեական գործն ու դրա շրջանակներում նրա՝ այսպես կոչված կալանավորումը կեղծ է և շինծու պատրվակ է նրան առևանգելու համար: ՀՀ Մարդու իրավունքների պաշտպանի աշխատակազմի կողմից ձեռք բերված տեղեկություններով և իրականացված ուսումնասիրություններով հաստատվել է, որ Վազիֆ Խաչատրյանի նկատմամբ միջազգային հետախուզական օրենքի համակարգում առկա չէ վերջինիս հետախուզման վերաբերյալ տվյալ»,- շեշտում է ԱՀ ՄԻՊ-ը:

ՀՀ Մարդու իրավունքների պաշտպան Անահիտ Մանասյանն ընդգծել է, որ Վազիֆ Խաչատրյանը միջազգային մարդասիրական պաշտպանության տակ գտնվող անձ է, ով ԿԽԿ-ի հովանու ներքո Հայաստան էր տեղափոխվում բուժում ստանալու նպատակով: Ուստի, վերջինիս առևանգումը Ադրբեջանի սահմանապահ ծառայողների կողմից միջազգային մարդասիրական իրավունքի կոպիտ խախտում է:

ԿԽԿ-ն նախապես կողմերին տրամադրում է տեղափոխվող հիվանդների ցուցակները և միայն համաձայնեցնելուց հետո է իրականացնում նրանց տեղափոխումը: «Ադրբեջանի գլխավոր դատախազության կողմից առևանգումից անմիջապես հետո կեղծ նարատիվներով և մեղադրանքներով լի հաղորդագրության տարածումը ցույց է տալիս, որ այս գործողությունը նախապես

մանրամասնորեն ծրագրված է եղել: Ավելին, հաղորդագրության մեջ հնչում է բացահայտ սպառնալիք նույն մոտեցումը ԼՂ այլ բնակիչների նկատմամբ եւս կիրառելու վերաբերյալ»,- ասվում է ՀՀ ԱԳՆ հայտարարության մեջ:

Նշվում է, որ Ադրբեջանի այս գործողությունն անմիջապես կարող է դնում, որ Հայաստանի կողմից արդեն իսկ տեսական ժամանակ բարձրաձայնվող Եթևիկ գտումների վերաբերյալ ահազանգերն արտացոլում են առկա օրհասական վտանգների լրջությունը:

«Արցախի ժողովրդին շուրջ 8 ամիս տվի էս այլ գրկանքների ենթարկելով, կանխամտածված և կամայական կերպով նրանց զրկելով մարդասիրական օգնություն ստանալու իրավունքից՝ ադրբեջանական կողմը հիմա էլ անցել է խոցելի վիճակում գտնվող Արցախի քաղաքացիների անհատական մակարդակով հետապնդմանը:

Ներգրավված միջազգային դերակատարներից, այդ թվում՝ ԿԽԿ-ից, պահանջում ենք ձեռնարկել հրատապ և ամենագործուն միջոցներով՝ անհապաղ ազատելու և հայրենիք վերադարձնելու առևանգված քաղաքացուն, վերջ տալու Արցախի քաղաքացիների նկատմամբ Ադրբեջանի կողմից իրականացվող՝ մարդկության դեմ ուղղված հանցագործություններին, ինչպես նաև կանխելու այդ հանցագործությունների փոխակերպումը ցեղասպանության հանցագործության»,- նշվում է ԱՀ արտաքին գործերի նախարարության տարածած հաղորդագրության մեջ:

Հուլիսի 29-ին հարյուրավոր քաղաքացիներ են հավաքվել Արցախում Կարմիր խաչի միջազգային կոմիտեի առաքելության գրասենյակի առջև՝ Ադրբեջանի կողմից առևանգված 68-ամյա Վազիֆ Խաչատրյանին վերադարձնելու պահանջով: Հավաքին ներկա ԱՀ պետական նախարար Գուրգեն Ներսիսյանը, ԱՀ Մարդու իրավունքների պաշտպան Գեղամ Ստեփանյանը, ԱՀ ներքին գործերի նախարար Կարեն Սարգսյանը, առևանգված Վազիֆ Խաչատրյանի հարազատները առանձին հանդիպում են ունեցել ԿԽԿ Արցախի գրասենյակի պատասխանատուների հետ: Հանդիպումից հետո ԿԽԿ ներկայացուցիչը պատասխանել է ներկաների հարցերին՝ նշելով, որ հասկանում են իրավիճակի դժվարությունը, և վստահեցրել է, որ աշխատում են լուծում գտնել:

«Ոնց տարել եք, այնպես էլ հետ բերեք եղբորս, նրան բուժում պետք չէ»,- լրագրողների հետ զրույցում նշել է Վ. Խաչատրյանի եղբայրը:

Հուլիսի 30-ին ԿԽԿ-ն տեղեկացրել է, որ իրենց ներկայացուցիչներն այցելել են Լաչինի միջանցքում ձերբակալված բուժառուին. «Նրա հետ հանդիպել են մեր պատվիրակները, որոնցից մեկը բժիշկ է և բուժառուին հնարավորություն է տրվել կապ հաստատել ընտանիքի հետ»:

Արթուր Թովմասյանը հրաժարականի դիմում է ներկայացրել

Հուլիսի 29-ին Արցախի Հանրապետության Ազգային ժողովի նախագահ Արթուր Թովմասյանը հրաժարական է տվել: «Իմ անձնական որոշմամբ քաղաքական պատասխանատվություն եմ վերցնում՝ հեռանալու Ազգային ժողովի նախագահի պաշտոնից, բայց միշտ հավատարիմ կմնամ 1991 թվականին մեր ժողովրդի կողմից հանրաքվեով ընդունված գաղափարին: Մինչև վերջին շունչս ծառայելու եմ Հայաստանի Հանրապետությանը և նրա ժողովրդին, Արցախի Հանրապետությանը և նրա ժողովրդին: Աստված պահապան հեծի ժողովրդին», - հայտարարել է Արթուր Թովմասյանը:

Ազգային ժողովի նախագահն ընտրվելու է աշխատանքային 2-օրյա ժամկետում

Հուլիսի 27-ին Արցախի Հանրապետության նախագահի նախաձեռնությամբ հրավիրվել է Ազգային ժողովի արտահերթ նստաշրջան:

Օրակարգով նախատեսված օրինագծերը ներկայացրել է Արցախի նախագահի աշխատակազմի ղեկավարի առաջին տեղակալ Ժիրայր Միրզոյանը: Նրա խոսքով՝ «Ազգային ժողովի կանոնակարգ» օրենքում առաջարկվող փոփոխությունները պայմանավորված են Ազգային ժողովի նախագահի ընտրության համար ավելի ճկուն մեխանիզմների ներդրման հետ: «Ազգային ժողովի նախագահի պաշտոնը թափուր մնալուց հետո թեկնածուների առաջադրման 10-օրյա ժամկետը եւ օրենքով սահմանված հերթական նիստ գումարելու ժամկետը եւ առանձնահատկությունները չեն համախառնախառնում ներկա իրավիճակին եւ տեսական են: Առաջարկվում է վերանայել Ազգային ժողովի նախագահի առաջադրելու ժամկետը՝ գործող 10-օրյա ժամկետը փոխարինել աշխատանքային 2-օրյա ժամկետով, իսկ Ազգային ժողովի նախագահի ընտրության հարցը քննարկել թեկնածուների առաջադրման ժամկետը լրանալուց հետո Ազգային ժողովի առաջիկա նիստում՝ հերթական նիստի փոխարեն»,- նշել է նա՝ ավելացնելով, որ փոփոխությամբ Ազգային ժողովի նախագահի հրաժարականի դեպքում լիազորությունները դադարեցված են համարվում հրաժարականը ներկայացնելու պահից:

21 կողմ, 8 դեմ ձայների հարաբերակցությամբ նախագիծն ընդունվել է որպես օրենք:

Մարդու պատիվը, արժանապատվությունը եւ գործարար համբավը արատավորելը կդիտարկվի որպես քրեորեն պատժելի արարք

Հաջորդ նախագծերի փաթեթում ներառված՝ Զաղաքացիական օրենսգրքում փոփոխություններ նախատեսող և Զրեական դատավարության օրենսգրքում լրացում նախատեսող օրենքի նախագծերի ներկայացումը, ըստ զեկուցողի, ուղղակիորեն պայմանավորված են Զրեական օրենսգրքում առաջարկվող լրացումներով:

Առաջարկվող փոփոխությունների համաձայն՝ մարդու պատիվը, արժանապատվությունը եւ գործարար համբավն արատավորելը կդիտարկվի որպես քրեորեն պատժելի արարք, դրանց դեպքում կարող են կիրառվել նաեւ ազատազրկման տեսքով պատժատեսակներ: «Վիրավորանքի եւ զրպարտության ապաքրեականացման արդյունքում նվազեցվել են այդ արարքների հանրային վտանգավորության աստիճանը, որն իր հերթին հանգեցրել է հանրային պատասխանատվության մակարդակի անկման: Նշվածի բացասական ազդեցությունն իր բնույթով առավել վտանգավոր է դառնում հատկապես ռազմական դրության իրավական ռեժիմի պայմաններում, երբ պետության մոտ բացակայում է անձի պատիվը, արժանապատվությունը կամ գործարար համբավը լիիրավ պաշտպանելու ամբողջական գործիքակազմ, որը նվազեցնում է վստահությունը հանրային իշխանության մարմինների նկատմամբ: Մյուս կողմից, հատկապես ռազմական դրության պայմաններում ոչ միայն բարձր են վիրավորանքի եւ զրպարտության հանրային վտանգավորության աստիճանը, այլ իրենց բնույթով դրանք նպաստում են նոր հանցագործությունների կատարմանը», - նախագծի վերաբերյալ հիմնավորումներն է ներկայացրել Ժիրայր Միրզոյանը: Նշված արարքները քրեականացնելուն զուգահեռ՝ օրինագծով զգալիորեն խստացվում են արարքների համար սահմանված սանկցիաները՝ սահմանելով նաեւ ազատազրկման ձեւով պատժատեսակ՝ առավելագույնը մեկ տարի ժամկետով:

Փաթեթն ընդունվել է 23 կողմ, 4 դեմ, 2 ձեռնպահ ձայների հարաբերակցությամբ:

«Ռազմական դրության իրավական ռեժիմի մասին» օրենքում կատարված փոփոխությունները տարակարծությունների տեղիք են տվել

«Ռազմական դրության իրավական ռեժիմի մասին» օրենքում փոփոխություններ եւ լրացումներ կատարելու մասին» օրինափաթեթով առաջարկվող իրավակարգա-

վորումների ընդունման պարագայում, Ժիրայր Միրզոյանի ներկայացրած հիմնավորմամբ, առավել հստակ եւ արդյունավետ կդառնան տեղական ինքնակառավարման մարմինների լիազորությունները՝ կապված հայտարարված ռազմական դրության հետ:

Ներկայում գույքը վարձակալության տված ֆիզիկական եւ իրավաբանական անձանց զգալի մասը գտնվում է ԱՀ սահմաններից դուրս եւ գործնականում ստացվում է այնպես, որ գույքը հանձնվում է վարձակալության, դրա դիմաց բռնի տեղահանվածների բնակարանային ապահովության նպատակով վճարները վճարվում են պետական բյուջեի միջոցներից եւ այդ գումարները փոխանցվում են ԱՀ սահմաններից դուրս: Օրենքում կատարվող փոփոխություններով առաջարկվում է ռազմական դրության պայմաններում ֆիզիկական եւ իրավաբանական անձանց գույքի օգտագործման դիմաց ամենամսյա վճար վճարելու պարտականությունը հանել, միաժամանակ, եթե գույքը վերադարձվում է վնասված, գույքի օրինական տիրապետողի դիմումի հիման վրա նրան տալ անհրաժեշտ փոխհատուցում ԱՀ կառավարության սահմանած կարգով, ժամկետներում եւ չափով:

«Օրենքով կատարվող մեկ այլ փոփոխությամբ, ելնելով ռազմական դրության իրավական ռեժիմի առավել արդյունավետ ապահովման անհրաժեշտությունից, ի լրումն օրենքով սահմանված միջոցառումների եւ ժամանակավոր սահմանափակումների, սահմանել լրացուցիչ միջոցառումներ եւ սահմանափակումներ, մասնավորապես պետական եւ տարածքային մարմինների, դրանց հիմնարկների եւ կազմակերպությունների գործառնությունների, դրանց իրականացման ձեւերի եւ եղանակների ժամանակավոր փոփոխություն կամ կասեցում, հեռուստա-



տեսությամբ հեռարձակվող, համացանցով եւ ռադիոյով տարածվող լուրերի բովանդակության սահմանափակում, ԱՀ տարածքում ինտերնետային կայքերի, սոցիալական ցանցերի, ինտերնետային հավելվածների գործողության ժամանակավոր կասեցում, ինչպես նաեւ ինտերնետ հասանելիության մասնակի կամ ամբողջական սահմանափակում՝ ապահովելով պետական եւ տեղական ինքնակառավարման մարմինների, ռազմավարական նշանակության եւ պետական ապահովության ենթակա օբյեկտների եւ ենթակառուցվածքների, ինչպես նաեւ առանձին կազմակերպությունների ինտերնետ հասանելիությունը», - իր խոսքում ասել է Ժիրայր Միրզոյանը: Միաժամանակ նախատեսվում է Եւրոգետիկ, բնապահպանական, կապի, առողջապահության եւ կրթության ոլորտներում պետական հատուկ քաղաքականության իրականացում, պետական գնումների հատուկ ընթացակարգի սահմանում, Եւրոգետիկայի եւ կապի ոլորտում գործունեություն իրականացնող կազմակերպությունների եւ անձանց համար պարտադիր կատարման ենթական առաջադրանքների սահմանում, բնական ռեսուրսների օգտագործման եւ շահագործման հատուկ կարգերի սահմանում:

Օրինագծով նախատեսվող մեկ այլ փոփոխություն նպատակ ունի քաղաքական եւ հայեցողական պաշտոնների նման նախագահի կողմից նշանակվող որոշ քաղաքացիական պաշտոնների համար եւս սահմանել փոփոխության ավելի ճկուն գործիքակազմ: «Ռազմական դրության իրավական ռեժիմի պահպանման հիմնական եւ առանցքային պատասխանատուն նախագահն է, եւ նա կարող է լրացուցիչ պարտականություններ ու գործառնություններ վերապահել այդ մարմիններին: Ստեղծված պայմաններում, անհրաժեշտության դեպքում, քաղաքական կամ հայեցողական պաշտոն գբաղեցնող անձինք, պայմանավորված իրենց պաշտոնի առանձնահատկություններով, կարող են փոփոխվել, ինչն ամրագրված է օրենքով: Առաջարկվում է ռազմական դրության պայմաններում նախատեսել հնարավորություն նախագահի կողմից նշանակվող քաղաքացիական պաշտոններ գբաղեցնող անձանց, մասնավորապես Կենտրոնական ընտ-

րական հանձնաժողովի անդամի, հեռուստատեսության եւ ռադիոյի խորհրդի անդամի, քաղաքացիական ծառայության խորհրդի անդամի, հանրային ծառայությունները եւ տնտեսական մրցակցությունը կարգավորող պետական հանձնաժողովի անդամի եւ նախագահի, պետական վիճակագրական խորհրդի անդամի եւ նախագահի, Զննչական կոմիտեի նախագահի, նրա տեղակալների լիազորությունների դադարեցման, այդ թվում՝ վաղաժամկետ դադարեցման համար», - նշել է Ժ.Միրզոյանը:

Առաջարկվող փոփոխությունները մտահոգություն են առաջացրել պատգամավորների մոտ:

«Հայ Յեղափոխական Դաշնակցություն» խմբակցության ղեկավար Արթուր Մուսիյանը նշել է, որ ռազմական դրության իրավական ռեժիմը կապ չունի վիճակագրական վարչության խորհրդի, ԿԸՀ անդամի, Զննչական պետի կամ տեղակալի հետ: «Պետական բուրգը բաղկացած է օրենսդիր, գործադիր, դատական իշխանությունից եւ քաղաքացիական ծառայություն իրականացնող անձանցից: Բուրգի մի մասը հանելով՝ բալանսը խախտվելու է: Սա կաթվածահար է անելու իրավական համակարգը: Օրինակ քննչական պետը կարող է չբավարարել որեւէ պահանջ, չնայած նախագահն է նշանակել, բայց իրավունք է տրվում նրան պաշտոնից հանել: Ի՞նչ պետք է անի քննչական պետը պաշտոնում մնալու համար: Պիտի ենթարկվի նախագահի կամքին, ոչ թե արդարադատությանը: Սա պետական ինստիտուտների մի մասի ոչնչացման ամենակարճ ճանապարհն է եւ ոչ մի կապ չունի ռազմական դրության իրավական ռեժիմի հետ», - ասել է Արթուր Մուսիյանը՝ առաջարկելով օրինագիծը հետ տանել լրամշակման:

Ի պատասխան՝ Ժիրայր Միրզոյանը նշել է, որ ռազմական դրության իրավական ռեժիմի փոփոխությունները պատերազմից հետո անցել են մի քանի փուլ, որը պայմանավորված էր իրավիճակի անընդհատ սրմամբ: «Խոսքը նրա մասին է, որ ռազմական դրության իրավական ռեժիմի հետ կապված լիազորությունների չկատարման կամ ոչ լիարժեք կատարման հետ կապված պաշտոնանկարի կամ լիազորությունները վաղաժամ դադարեցնելի պաշտոնյան»:

«Արցախի ժողովրդավարական կուսակցություն» խմբակցության պատգամավոր Պետրոս Ստեփանյանը հիշեցրել է, որ գլխադասային հանձնաժողովում բացասական գնահատական է տրվել նախագծին: Նրա խոսքով՝ պարզ է, որ հարցը նախելառաջ բարոյական տիրույթում է, բայց պետք է սեփականության իրավունքը գերակա պահել:

Արցախի «Արդարություն» խմբակցության անդամ Մետաքսե Հակոբյանը մտավախություն է հայտնել, որ օրենքը հարմարեցվում է նոր ազատույնների եւ նոր նշանակումների շքերթին: Նույն խմբակցության ղեկավար Դավիթ Գալստյանը շեշտել է, որ առաջարկվող փոփոխություններով պետական մարմին անկախությունը սահմանափակվում է, եւ եթե որոշակի ժամկետով նշանակված պաշտոնյան թերացել է իր աշխատանքում, կարելի է համապատասխան մարմինների կողմից հիմնավորել աշխատանքի կասեցումը ու պատասխանատվության ենթարկելը:

«Միասնական հայրենիք» խմբակցության ղեկավար Մարսել Պետրոսյանը նշել է, որ ներկա պահին Արցախի յուրաքանչյուր բնակիչ գրկված է իր հիմնարար իրավունքներից եւ ազատություններից, որն առաջին հերթին պետք է մտահոգի իշխանություններին, ու չպետք է մտածել այդ իրավունքներն ու ազատությունները սահմանափակելու մասին: «Տասնամյակներ շարունակ հանրապետության ղեկավարները, քաղաքական գործիչները տարբեր առիթներում հպարտացել են, որ Լեռնային Ղարաբաղը ժողովրդավարական կղզի է Հարավային Կովկասում: Ամենաթանկն այս պահին Արցախում ապրող մարդու արժեքն է, եւ չպետք է սահմանափակել նրա իրավունքները», - ասել է պատգամավորը՝ առաջարկելով կատարելագործել նախագիծը եւ նորից ներկայացնել ԱԺԻ:

Օրինափաթեթի վերաբերյալ մտքերի փոխանակություններ հանդես են եկել պատգամավորներ Մետաքսե Հակոբյանը, Արթուր Մուսիյանը, Դավիթ Գալստյանը, Արթուր Հարությունյանը: 18 կողմ, 9 դեմ ձայների հարաբերակցությամբ օրինափաթեթն ընդունվել է:

Զննարկվել է նաեւ «Չինվորական ծառայության եւ զինծառայողի կարգավիճակի մասին» օրենքում փոփոխություններ եւ լրացումներ կատարելու մասին» հարցը:

Օրենքի նախագծով առաջարկվող իրավակարգավորումների արդյունքում կստեղծվի իրավական հնարավորություն՝ կարգավիճակ սահմանելու նրանց համար, ովքեր մարտական գործողությունների ընթացքում իրենց ծառայողական կամ աշխատանքային (մասնագիտական) պարտականությունները կատարելիս կորցրել են կյանքը կամ վնասել առողջությունը: Օրինագիծը 26 կողմ ձայնով արժանացել է խորհրդարանի հավանությանը:

Անհապաղ միջոցներ ձեռնարկել Արցախի Հանրապետությունում տեղակայված խաղաղապահ առաքելությանը միջազգային մանդատով օժտելու համար

Հուլիսի 21-ին և հուլիսի 27-ին Արցախի Հանրապետության Ազգային ժողովի պատգամավորների նախաձեռնությամբ գումարվել են Արցախի Հանրապետության Ազգային ժողովի արտահերթ նստաշրջաններ, որոնց ընթացքում ընդունվել են ուղերձներ:

Հուլիսի 21-ին ընդունված ուղերձը վերաբերում էր ՄԱԿ-ի կողմից Արցախում խաղաղություն պարտադրելու համար պատշաճ միջոցներ ձեռնարկելուն:

«2020թ. սեպտեմբերի 27-ին Թուրքիայի անմիջական մասնակցությամբ եւ օտարերկրյա զինյալ ահաբեկիչների ներգրավմամբ, կոպտորեն խախտելով ուժի եւ ուժի կիրառման սպառնալիքի բացառման սկզբունքը, Ադրբեջանը սանձազերծեց 44-օրյա ռազմական ագրեսիա, որը դադարեցվեց Ռուսաստանի Դաշնության միջնորդությամբ՝ Հայաստանի, Ադրբեջանի եւ Ռուսաստանի դեկավարների 2020թ. նոյեմբերի 9-ի համատեղ հայտարարությամբ: Եռակողմ հայտարարությամբ սահմանված կարգով Արցախի (Լեռնային Ղարաբաղ) Հանրապետությունում տեղակայվել է Ռուսաստանի Դաշնության խաղաղապահ զորակազմ 5 տարի ժամկետով՝ հետագայում երկարաձգման հնարավորությամբ, եթե Կողմերից որեւէ մեկը ժամկետի ավարտից 6 ամիս առաջ չհայտարարի սույն դրույթի կիրառումը դադարեցնելու մտադրության մասին:

Եռակողմ հայտարարությամբ Ռուսաստանի Դաշնությունն ըստ էության իրացրել է ՄԱԿ-ի կանոնադրության 6-րդ գլխում սահմանված վեճերի խաղաղ կարգավորման դրույթները, մասնավորապես՝ 33-րդ հոդվածի 1-ին մասը, հակամարտության կողմերի միջեւ վեճի կարգավորումը տեղափոխելով «միջնորդության, համաձայնության եւ բանակցությունների» դաշտ, ինչը ձախողվել է Ադրբեջանի կողմից դրսևորվող շարունակական եւ լայնածավալ ագրեսիայի հետեւանքով՝ հակամարտության ուղղակի եւ անուղղակի կողմերի ներգրավմամբ ստեղծելով տարածաշրջանային ճգնաժամ: Մյուս կողմից՝ շարունակվում է անտեսվել Արցախի Հանրապետության սուբյեկտայնությունն ու Արցախի ժողովրդի կամարտահայտությունը:

Արցախի ժողովուրդը, միջազգային իրավունքի հանրաճանաչ նորմերի ու սկզբունքների, ինչպես նաեւ ԽՍՀՄ օրենսդրության համապատասխանությամբ իրացրել է ինքնորոշման իր իրավունքը՝ 1991թ. սեպտեմբերի 2-ին հռչակվելով Լեռնային Ղարաբաղի (Արցախի) Հանրապետություն, այնուհետեւ դեկտեմբերի 10-ին անցկացնելով Անկախության հանրաքվե:

Արցախում տեղակայված ռուսական խաղաղապահ զորախումբը օժտված չէ միջազգային մանդատով, հանգամանք, որը կանաչ լույս է վառում Ադրբեջանի կողմից Եռակողմ հայտարարության եւ միջազգային իրավունքի նորմերի ու սկզբունքների խախտումների, տարածաշրջանի անվտանգության եւ կայունության շարունակական վտանգման համար: Ավաճած փաստական ապացույցներն են Ադրբեջանի կողմից Եռակողմ հայտարարությամբ ամրագրված հրադադարի ռեժիմի ու միջազգային իրավունքի նորմերի կոպտագույն խախտումները, այդ ամենի վերաբերյալ Մարդու իրավունքների եվրոպական դատարանի եւ ՄԱԿ-ի միջազգային արդարադատության դատարանի որոշումներով, ԵԽԽՎ-ի բանաձեւով արձանագրումները, մասնավորապես՝ Բերձորի (Լաչինի) միջանցքի արգելափակման հետեւանքով Արցախի՝ արդեն յոթ ամսից ավել շարունակվող շրջափակումը, ենթակառուցվածքների խափանումը, քաղաքացիական բնակչության նկատմամբ իրականացվող շարունակական ահաբեկումները, ազգային ատելության քարոզչությունը, հայկական եկեղեցիների, պատմամշակութային, կրոնական եւ այլ հուշարձանների միտումնավոր ոչնչացման եւ վանդալիզմի արձանագրված բազմաթիվ դեպքերը: Նշված եւ այլ մեթոդներով Էթնիկ գտումների քաղաքականությունը մարդկության դեմ ուղղված հանցագործության բացահայտ դրսևորումներ են:

Հիմք ընդունելով այդ ամենը, ինչպես նաեւ ՄԱԿ-ի գալիք սերունդներին պատերազմի, էթնիկ գտումների եւ ցեղասպանության արհավիրքից փրկելու վճռականությունն ու միջազգային խաղաղության եւ անվտանգության պահպանման պատասխանատվությունը՝ Արցախի ժողովրդի բարձրագույն ներկայացուցչական մարմինը՝ Ազգային ժողովը, կոչ է անում.

- **Հայաստանի Հանրապետությանը՝** անհապաղ միջոցներ ձեռնարկել Արցախի Հանրապետությունում տեղակայված խաղաղապահ առաքելությանը միջազգային մանդատով օժտելու համար՝ սահմանված ընթացակարգով դիմելով ՄԱԿ-ի Անվտանգության խորհրդին, Գլխավոր ասամբլեային՝ առաջարկելով պատշաճ քայլեր կատարել տարածաշրջանում խաղաղության եւ անվտանգության պահպանման ուղղությամբ:

- **Միջազգային հանրությանը՝** ի դեմս ՄԱԿ-ի Անվտանգության խորհրդի մշտական անդամ-երկրների՝

Հավատարիմ լինելով ՄԱԿ-ի կանոնադրության 1-ին գլխում սահմանված նպատակներին ու սկզբունքներին եւ առաջնորդվելով ՄԱԿ-ի կանոնադրության 7-րդ գլխում սահմանված կարգով՝ ընդունել իմպերատիվ բնույթի որոշում (բանաձեւ)՝ ձեռնարկելով եւ սահմանելով Արցախում խաղաղություն պարտադրելու գործուն միջոցներ:

Արցախի Հանրապետությունը հանձնառու է փրկելու իր ժողովրդին պատերազմի արհավիրքից, վերահաստատելու հավատը մարդու հիմնարար իրավունքների եւ ազատությունների, ինչպես նաեւ մեծ ու փոքր ազգերի հավասար իրավունքների նկատմամբ, ուստի այդ կառույցներից ակնկալում է ստեղծել այնպիսի պայմաններ, որոնք կապահովեն միջազգային իրավունքի նորմերից բխող պարտավորությունների հանդեպ հարգանքը, ազատության պայմաններում խթանել Արցախի ժողովրդի արժանապատիվ կյանքի ապահովումը,- ասվում է ուղերձում:



Ազգային ժողովը դիմում է ՄԱԿ-ի անդամ պետություններին Լեռնային Ղարաբաղի Հանրապետության անկախության ճանաչման խնդրանքով

Հուլիսի 27-ին կայացած նիստում քննարկվել է Ազգային ժողովի խմբակցությունների կողմից ներկայացված ուղերձը:

Անդրադառնալով պատմական իրողություններին, Արցախի ինքնորոշման իրավունքի իրացման անհրաժեշտությանը, Ադրբեջանի կողմից 2020 թվականի նոյեմբերի 9-ի եռակողմ համաձայնագրի դրույթների չկատարմանը, ահազանգելով Ադրբեջանի կողմից պաշարման ենթարկված Լեռնային Ղարաբաղի Հանրապետության բնակչությանն սպառնացնող վտանգների մասին, հաշվի առնելով Արցախի բնակչության նկատմամբ Ադրբեջանի կողմից իրականացվող ցեղասպան քաղաքականությունը եւ նրա բնակչության առջեւ ծառայած լրջագույն գոյաբանական սպառնալիքները՝ Լեռնային Ղարաբաղի (Արցախի) Հանրապետության Ազգային ժողովը դիմում է ՄԱԿ-ի անդամ պետություններին Լեռնային Ղարաբաղի (Արցախի) Հանրապետության անկախության ճանաչման խնդրանքով:

«Ադրբեջանը, Հայաստանի հետ միաժամանակ, 1992 թվականի հունվարի 30-ին անդամագրվելով Եվրոպայի անվտանգության եւ համագործակցության խորհրդակցությանը (ԵԱՀԿ, 1995 թվականից՝ ԵԱՀԿ), ստանձնել է պարտավորություններ: ԵԱՀԿ-ն ճանաչել է այդ երկրների ինքնիշխանությունը՝ պայմանով, որ նրանք իրենց հերթին ընդունում են Լեռնային Ղարաբաղի պատկանելության հարցում եղած տարածայնությունների փաստը եւ համաձայնվում են, որ Լեռնային Ղարաբաղի ապագա կարգավիճակը որոշվելու է միջազգային համաժողո-

վում, որը տեղի է ունենալու ԵԱՀԿ-ի հովանու ներքո: Երկու պետություններն էլ տվել են իրենց համաձայնությունը՝ խնդիր խաղաղ ճանապարհով լուծելու պարտավորություն ստանձնելով,- ասվում է ուղերձում:

Այնուհետեւ թվարկվում են Արցախի Հանրապետության դեմ Ադրբեջանի սանձազերծած լայնածավալ ագրեսիաները. «Յետապնդելով Արցախը հայաթափելու եւ ուժի կիրառմամբ այն իր կազմի մեջ բռնակցելու անթաքույց նպատակ եւ անպատժելիության պայմաններում խախտելով միջազգային իրավունքի գործող նորմերը, Ադրբեջանը հետեւողականորեն ապօրինի կերպով զավթում է Լեռնային Ղարաբաղի (Արցախի) Հանրապետության նորանոր տարածքներ, պարբերաբար գնդակոծում հայկական բնակավայրերը, սպանում եւ ահաբեկում խաղաղ բնակչությանը, ամեն կերպ խաթարում նրա բնականոն կենսագործունեությունը՝ անտանելի դարձնելով մարդկանց կյանքը, միեւնույն ժամանակ իրականացնում է հայկական պատմամշակութային ժառանգության նկատմամբ վանդալիզմի ակտեր»:

«Ահազանգելով, որ Ադրբեջանի կողմից պաշարման ենթարկված ԼՂ (Արցախի) Հանրապետության բնակչությունը կանգնած է ՀԱՅԲԵՆԱԿՆԵՐԿԵԼՈՒ եւ Ադրբեջանի իշխանությունների կողմից իրականացվող ՑԵՂԱՍՊԱՆ գործողությունների վտանգի առջեւ:

Հաշվի առնելով Արցախի բնակչության նկատմամբ Ադրբեջանի կողմից իրականացվող ցեղասպան քաղաքականությունը եւ նրա բնակչության առջեւ ծառայած լրջագույն գոյաբանական սպառնալիքները՝ Լեռնային Ղարաբաղի (Արցախի) Հանրապետության Ազգային ժողովը՝ Արցախի ժողովրդի առաջնային մանդատով օժտված բարձրագույն ներկայացուցչական մարմինը, արտահայտելով հանրապետության ողջ բնակչության կամքն ու դիրքորոշումը, դիմում է ՄԱԿ-ի անդամ պետություններին եւ կոչ անում՝ առաջնորդվելով ՄԱԿ-ի կանոնադրությամբ ամրագրված ազգերի ինքնորոշման իրավունքի սկզբունքով, հիմք ընդունելով 1991 թվականի սեպտեմբերի 2-ի «Լեռնային Ղարաբաղի Հանրապետության հռչակման մասին» հռչակագիրը, Անկախության մասին 1991 թվականի դեկտեմբերի 10-ի համաժողովրդական հանրաքվեի արդյունքները, ԼՂՀ Գերագույն խորհրդի «Լեռնային Ղարաբաղի Հանրապետության Անկախության հիմունքների մասին» 1992 թվականի հունվարի 6-ի օրենքը, ԼՂՀ Գերագույն խորհրդի «ԼՂՀ պետական անկախության հռչակագրի տեքստը հաստատելու մասին» 1992 թվականի հունվարի 6-ի որոշումը, ճանաչել Լեռնային Ղարաբաղի (Արցախի) Հանրապետության անկախությունը»:

Նշվում է, որ ճանաչման համար կան բոլոր անհրաժեշտ հիմքերը: Լեռնային Ղարաբաղի (Արցախի) Հանրապետությունն իր ինքնորոշման իրավունքն իրականացրել է՝ չխաթարելով Ադրբեջանի տարածքային ամբողջականությունը, չխախտելով ԽՍՀՄ Սահմանադրության համապատասխան դրույթները, «ԽՍՀՄ կազմից միութենական հանրապետությունների դուրս գալու մասին» 1990 թվականի ապրիլի 3-ի օրենքի սահմանում, համաձայն որի՝ «Ինքնավար հանրապետություններն ու ինքնավար կազմավորումներն իրավունք ունեն ինքնուրույնաբար վճռելու միության մեջ կամ նրա կազմից դուրս եկող միութենական հանրապետությունում մնալու հարցը, ինչպես նաեւ կարգավորելու սեփական պետական իրավական կարգավիճակի խնդիրը», միջազգային իրավունքի բոլոր նորմերը:

«Առավել քան համոզված ենք, որ ՄԱԿ անդամ պետությունների կողմից ԼՂ (Արցախի) Հանրապետության ճանաչումը մեր ժողովրդի համար կդառնա անվտանգության վստահելի երաշխիք, կնպաստի իր պատմական հայրենիքում նրա բնականոն կենսագործունեության համար բարենպաստ պայմանների ստեղծմանը, ինչպես նաեւ հարավկովկասյան տարածաշրջանում կայունության, երկարաժամկետ ու հաստատուն խաղաղության ապահովմանը:

- Խորապես համոզված ենք, որ վերահաս ողբերգությունը կանխելու միակ միջոցը Լեռնային Ղարաբաղի (Արցախի) Հանրապետության անկախության ճանաչումն է՝ ՃԱՆԱԿՉՈՒՄ ՀԱՆՈՒՆ ՓՐԿՈՒԹՅԱՆ սկզբունքի հիման վրա»,- ասված է ուղերձում:

Պատգամավորները միաձայն կոչով քվեարկեցին, որոշումն ընդունվեց:

Համաժամանակյա հանրահավաքներ Երևանում եւ Ստեփանակերտում

Հուլիսի 25-ին Երևանի Ազատության հրապարակում եւ Արցախի Վերածննդի հրապարակում համաժամանակյա հանրահավաքներ են տեղի ունեցել՝ ուղղված Արցախում հումանիտար ճգնաժամը հաղթահարելուն: «Արցախը 120 հազար չէ, Արցախը բռնի տեղահանված քաղաքացիներն են, 90-ականների պատերազմի պատճառով տարագիր դարձած քաղաքացիներն են»,- Երեւանի հանրահավաքում իր բացման խոսքում ասաց «Մենք Արցախն ենք» նախաձեռնող խմբի անդամ Լիանա Պետրոսյանը՝ համախմբման կոչ անելով արցախցիների պարելու իրավունքի պահանջատիրության համար: Հավաքվածները վանկարկում էին՝ «Արցախ», «Միացում»: Վերածննդի հրապարակում հնչեց ՀՀ օրինները, իսկ Ազատության հրապարակում՝ Արցախի օրինները:

Երեւանում ու Ստեփանակերտում ելույթ են ունեցել ՀԱԵ Արցախի թեմի առաջնորդ Տեր Կրթանես Եպիսկոպոս Աբրահամյանը, ԱՀ ժողովրդական արտիստ Զաքիլ Հարությունյանը, հնագետ, Տիգրանակերտի արշավախմբի ղեկավար Համլետ Պետրոսյանը, ՀՀ վաստակավոր արտիստ Դավիթ Հակոբյանը, Արցախի Շիրակացու ճեմարանի տնօրեն Անահիտ Ղարաղազարյանը, Արցախի պետական կամերային նվագախմբի գեղարվեստական ղեկավար եւ գլխավոր դիրիժոր Գեորգ Մուրադյանը, ՀՀ մարդու իրավունքների առաջին պաշտպան Լարիսա Ալավերդյանը, տեղահանված Մերոբ Նալբախյանը:

Ազատության հրապարակում երգերով հանդես են եկել հաղորդիչ Արման Հայրիյանը, երգիչներ Արսեն Սաֆարյանը, Վարդան Բաղդասարյանը:

«Մի խեղճ էլ ընկնում է փոսը, տերը գալիս, չի կարողանում հանել, անճար մարդ է. ասում է՝ հողով ծածկել՝ էլը չհարչարվի, չտառապի: Բահերով հողը լցնում են էլի վրա, էլն իրեն թափ է տալիս, ոտի տակը հողը լցնում է՝ բարձրանում: Ինչքան լցնում են՝ էլը թափ է տալիս, ոտի տակի հողը բարձրանում՝ հասնում է

իրենց մակարդակին, գնում են»,- հին միջնադարյան այս առակը, Ազատության հրապարակում ընթացող հանրահավաքի ժամանակ պատմեց ՀՀ վաստակավոր արտիստ Դավիթ Հակոբյանը՝ հարցնելով. «Բա մի էլի չափ էլ չկա՞նք: Ինչի՞ ենք ստեղծում, որ ինչ որ մեկը գա մեզ փրկի: Ե՞րբ է եկել փրկի, որ այսօր գա: Ոչ ոք չի փրկելու մեզ: Ինչի՞ ենք այսպես համակերպվել նվաստացման հետ, պարտվածի հետ»:



Ելույթներից հետո Վերածննդի հրապարակում հավաքվածները երթով շարժվել են դեպի Ստեփանակերտի Չինվորական պանթեոն, իսկ Ազատության հրապարակում գտնվողները՝ դեպի Եռաբլուր:

Արցախի մեր ժողովուրդը եկվոր չէ. Արամ Ա

Ազատության հրապարակում հուլիսի 25-ի տեղի ունեցած հանրահավաքում ցուցադրվեց Մեծի Տանն Կիլիկիո կաթողիկոս Արամ Ա-ի տեսաուղերձը: Նա հայրապետական օրհնություն հղեց հանրահավաքի մասնակիցներին, արցախցիներին՝ վստահեցնելով, որ Մեծի Տանն Կիլիկիո կաթողիկոսությամբ՝ իր բոլոր կա-

ռույցներով, նաեւ Սփյուռքը, արցախցիների հետ է:

«Մեր ժողովրդի բոլոր զավակներին վստահեցնում եմ՝ մենք, որպես Մեծի Տանն Կիլիկիո կաթողիկոսություն, մեր միաբանությամբ, մեր թելերով, մեր կառույցներով, մարտիկներով եւ ողջ Սփյուռքը Ձեզ հետ է: Մենք քաջ գիտենք, որ Արցախը գտնվում է իր ժամանակակից պատմության ամենաճակատագրական պահին, Այս կացության դեմ մենք բոլորս պետք է մեր կամքը, հավատը ավելի ամրապնդենք եւ Արցախի ապագայի նկատմամբ մեր տեսլականը միշտ պայծառ պահենք: Անցյալում Արցախը մերն էր, այսօր Արցախը մերն է, եւ հավատացե՛ք, որ Արցախը միշտ պիտի մնա Արցախի ժողովուրդին, որովհետեւ մեր ժողովուրդը ողջ պատմության ընթացքում Արցախում էր եւ իր քրտինքը միախառնել է Արցախի հողին:

Արցախում են գտնվում մեր ժողովրդի արժեքները, սրբությունները, ավանդությունները: Արցախը միշտ ինքնավար է եղել: Արցախի մեր ժողովուրդը եկվոր չէ: Արցախի մեր ժողովուրդը Արցախի ծնունդն է: Պատմության ընթացքում երբեք Արցախը եթեպես չի եղել Աղորեջանին»:

Արցախը վաճառքի ենթակա չէ

Ազատության հրապարակում հանրահավաքը բացեց Արցախի թեմի առաջնորդ Կրթանես Եպիսկոպոս Աբրահամյանը: Իր խոսքում նա ասաց, որ այսօր գտնվում ենք այն նույն իրավիճակում, ինչը ժամանակին Խրիմյան Հայրիկն էր բնութագրում. «Մի մեծ առեւտուր է ընթանում, Արցախը դրված է վաճառքի, իսկ երկաթ չե-

րեփավորները՝ ախորժակները սրած, սպասում են իրենց պատահին: Որքան էլ խաղաղության սին հույսերի գինով հարբենք ու փորձենք մենք մեզ խաբել՝ դրանից իրականությունը չի փոխվի: Ու ինչպես խրոնիկ հարբեցողի դեպքում է լինում՝ ամեն ինչ գնալու է դեպի կործանում»:

«Արցախը ենթակա չէ վաճառքի, Արցախը աստվածապարզեւ Հայաստան աշխարհի անմասնորդ մասն է, Արցախը սրբություն է, Արցախը հող է, Արցախը պատմություն է եւ ժողովուրդ է: Այսօր կանգնել Արցախի կողքին՝ կնշանակի կանգնել մեր խղճի եւ արդարության կողքին, կանգնել Արցախի կողքին՝ կնշանակի հավատարիմ մնալ Աստծո պատգամներին»,- հայտարարեց Կրթանես Եպիսկոպոս Աբրահամյանը՝ հավելելով, որ մեր երկաթյա շերտերը եղբայրասիրությունն ու հայրենասիրությունն են դառնալու:

Հանրահավաքի մասնակիցները դրան ծափերով եւ «Միացում» վանկարկումներով արձագանքեցին:

Արցախի թեմի առաջնորդը այսօր, մեր բոլոր մեղքերից ավելին է համարում անտարբերության 8-րդ՝ մահացու մեղքը եւ նկատում, որ եթե կրավորական եւ անտարբեր կեցվածքով ենք վերաբերվում տեղի ունեցողին, նշանակում է մեղսակից ենք դառնում Արցախը վաճառողներին: Նա տարակուսեց՝ մի՞թե անհրաժեշտ է էլեկտրաէներգիայի կամ տրանսպորտի վարձավճարները 50 դրամով թանկացնել, որպեսզի հարյուր հազարավոր հայեր փողոց դուրս գան եւ արդարություն պահանջեն, մի՞թե հայի գրպանին դիպչելն ավելի ծանր հանցանք է, քան հազարամյա հայրենիքը մաս-մաս վերացնելը. մի՞թե սա է հայը: Նա հայտարարեց, որ արցախյան շարժումը չի ավարտվել, եւ այն ամբողջովին հասցնելու համար մենք պետք է բռնուցե՛վենք, եւ եթե կորցնենք Արցախը՝ կկորցնենք մեր ինքնությունն ու արժանապատվությունը: Կրթանես Եպիսկոպոս Աբրահամյանը արցախցիներին փոխանցեց Վեհափառի հայրապետական օրհնությունը:

S. ԱՄԱՋԱՆՅԱՆ

Պահանջում ենք ՀՀ-ից՝ հրաժարվել Արցախը Աղորեջանի կազմում ճանաչելու մտահղացումից

«Տասնամյակներ շարունակ Աղորեջանը վարել է Արցախում էթնիկ գտման քաղաքականություն, այսօր էլ անցել է իր հանցավոր ծրագրերի իրագործմանը: Պլանավորման, ծրագրավորման ու նախապատրաստության փուլերը վաղուց ավարտվել են եւ սկսվել է ոճրագործության իրագործման փուլը»,- հուլիսի 25-ին Ստեփանակերտի Վերածննդի հրապարակում տեղի ունեցած հանրահավաքում ասաց Արցախի Հանրապետության պետական նախարար Գուրգեն Ներսիսյանը:

«Ավելի քան 7 ամիս է՝ Արցախի ժողովուրդը պայքարում է իր կյանքի, պատմության, ներկայի ու ապագայի, իր տեսակի պահպանության, համայն հայության արժանապատիվ գոյության, իրավունքի ու հնարավորության համար: Արցախի ժողովուրդը ենթարկվում է ֆիզիկական ու հոգեբանական բռնության եւ դրա սպառնալիքի, խոշտանգման, Արցախի ժողովուրդին կանգնեցրել են սովի առաջ, գրկում են այսօր եւ վաղը ապրելու, գոյատևելու տարրական հնարավորություններից ու պայմաններից: Այս ամենի նպատակը Արցախում կյանքն անտանելի դարձնելն է, արցախցուն տարագիր դարձնելն է: Հույս ունենալով, որ միջազգային հանրությունը, համայն հայությունն ու Հայաստանի Հանրապետությունը կձեռնարկեն Արցախի ժողովուրդին էթնիկ գտումից զերծ պահելու որոշում քայլ, Արցախի ժողովուրդը հերոսաբար ու համբերատար կրել է բոլոր զրկանքները: Սակայն ժամանակը ցույց տվեց, որ միջազգային հանրության պապիկությունն ու ՀՀ-ի գիշողականությունը լրացուցիչ խթան հանդիսացան եւ խրախուսեցին Աղորեջանին՝ դիմելու էլ ավելի կոշտ ու ծայրահեղ քայլերի, այդ ամենին զուգահեռ՝ նսեմացնելով նույն միջազգային հանրության ու միջնորդ երկրների հեղինակությունը: Այդ պատճառով Արցախում սկսվեց համաժողովրդական շարժում, որը պետք է հիմք դառնա մեր զարթոնքին ու համախմբմանը, եւ այն արդեն իրականություն է:

Սիրելի հայրենակիցներ, ես ուզում եմ խոնարհվել

Ձեր առաջ, Ձեր հաստատակամության, ամրության, մերօրյա դժվարության ու այս սարսափելի օրերը հաղթահարելու Ձեր կամքի ու տոկոսության համար: Թեեւ դուք ամեն օր սպասում եք, թե երբ կվերջանա այս մղձավանջը, բայց ես հասկանում եմ, որ այս պայքարը երկար է տևելու:

Մեզ անհրաժեշտ է էլ ավելի ամրանալ, էլ ավելի համախմբվել, որպեսզի կարողանանք հաղթահարել բոլոր մարտահրավերները: Խոնարհվում եւ հպարտանում եմ ձեզանով, որովհետեւ տեսնում եմ, թե ինչպես են ձեր ու մանուկ իրենց բաժին ծանրությունը կրում, ինչպես են որդեկրույս մայրերը թաքցնում արցունքներն ու հպարտ կեցվածքով ու հայացքով հայրենասիրություն ու նվիրում կրթում, երբ հանում մեր արժանապատիվ գոյության գայրույթն ու ցավը ձեր մեջ խեղդելով՝ ինչպես եք մի կերպ կերակրում ձեր երեխաներին, ինքներդ ձեր մտքերում անընդհատ կրկնելով՝ լավ է սոված ու մերկ լինել, քան ապրել անհայրենիք ու առանց արժանապատվության: Հասկանում եմ նաեւ մեր եւ ձեր հիասթափությունն ու մտահոգությունը, երբ այդ ամենին զուգահեռ անընդհատ ստանում ենք թիկունքից հարվածներ, ամենատարբեր շրջանակների կողմից փորձ է արվում նսեմացնել ձեր պայքարը, արժեզրկել այն, շարունակվում է իշխանատենչությունը, անձնական եւ քաղաքական շահախնդրությունը:

Ցավում եմ, որ մեր շարքերում կան այդպիսիները: Մենք պետք է սառնասրտորեն ընդունենք այս ամենը եւ համբերատար գտնվենք՝ գիտակցելով, որ կլինեն նաեւ անհամբերներ, անհավասարակշիռներ: Բայց, սիրելի՛ ժողովուրդ, հավատացե՛ք, որ համաժողովրդական շարժումը կարողացել է սթափեցնել ու արթնացնել շատերին, մեր հայրենակիցները Արցախում են ՀՀ-ում ընդամենը օրերի ընթացքում իրականացրել են մեր՝ արցախցիներիս նկատմամբ իրականացվող ոճրագործության մասին իրազեկման ակցիաներ, միջազգային ամենատար-

բեր հարթակներ սկսել են ուշադրություն դարձնել բարձրաձայնվող խնդրին, ամենաբարձր մակարդակներում նախաձեռնվել են հանդիպումներ, քննարկումներ, միջազգային լրատվամիջոցներն ավելի ակտիվորեն են սկսել ներկայացնել իրավիճակը, հնչել են բազմաթիվ արձագանքներ, գնահատականներ, եւ հարցի շուրջ ուշադրությունը նոր ընթացք է ստացել:

Մենք կարողացել ենք անել ամենակարելիորդ՝ վերահաստատել ու ապացուցել, որ Արցախը եւ Արցախի ժողովուրդը չեն կարող լինել Աղորեջանի կազմում, երբեք, ոչ այսօր եւ ոչ էլ վաղը: Սա քննադատյալ չէ, սա Արցախի ժողովրդի գոյության անբացարկելի նախապայմանն է»:

Գուրգեն Ներսիսյանը հակադարձեց ՀՀ վարչապետ Նիկոլ Փաշինյանի՝ նույն օրը կայացած ասուլիսում արած հայտարարություններին: Փաշինյանը, պատասխանելով արցախցիներից մեկի դիտարկմանը, թե Արցախում մարդիկ քաղցած են, իսկ վարչապետի կինը իր այգու բերքի նկարներն է հրապարակում, ասել է, որ ՀՀ-ն Արցախին 150 միլիարդ դրամի աջակցություն է տվել. «150 միլիարդ դրամ ենք տվել, զոնե բաղրջան աճեցնե՛լիք: Առավոտից իրիկուն լայվ մտնելու փոխարեն գնացե՛ք բաղրջան աճացրե՛ք, որ մարդիկ բաղրջանի սոված չմնան: Ի՞նչ եք ուզում, ուզում եք Հայաստանի ինքնիշխանությունը մատաղ անե՛նք: Ո՞ւմ առաջ եք ուզում մատաղ անե՛ք, ուզում եք Հայաստանի պետությունը մատաղ անե՛ք»:

Գուրգեն Ներսիսյանն, ըստ էության, հակադարձելով Փաշինյանին, ասաց. «2023 թվականին Արցախի շրջափակման ընթացքում Արցախի ժողովուրդը կազմակերպել է ավելի մեծ ծավալի գյուղատնտեսական աշխատանքներ, քան 2020 թվականի 44-օրյա պատերազմին հաջորդած երկու տարիներին: Այդ ամենը կատարվել է աղբբեջանական զինված ուժերի կրակի տակ եւ մեր քաղաքացիների կյանքի եւ մահվան գնով: → 5

Պահանջում ենք ԶԶ-ից՝ հրաժարվել Արցախը Ադրբեջանի կազմում ճանաչելու մտահղացումից

4 ← Մեր աշխատանքի արդյունքն է, որ այրելով լիակատար շրջափակման պայմաններում՝ Արցախի ժողովուրդը կարողանում է գտնել որոշակի սնունդ սովի չմատնվելու համար: Ցավոք, արդեն տեսական ժամանակ է՝ չունենք մեր նվազագույն մթերքը բնակիչներին հասցնելու, բերքը հավաքելու, սովորական հացը քաղաքացուն հասնելի դարձնելու, հիվանդին հիվանդանոց հասցնելու հնարավորություն: Այս ամենի մեղավորը հայտնի է Ադրբեջան անունով: Արցախի ժողովուրդն այստեղ մեղքի բաժին չունի: Այո, ԶԶ-ի ժողովուրդը, ինչպես նախկինում, այնպես էլ հիմա՝ ֆինանսական աջակցություն է ցուցաբերում Արցախի ժողովուրդին, որի համար երախտագիտություն ենք հայտնում, բայց այդ միջոցները շրջափակման ընթացքում օգտագործվել են հիմա էլ օգտագործվում են բացառապես Արցախի 40 հազար տեղահանված քաղաքացիներին, 30 հազար երեխաներին և շրջափակման ընթացքում աշխատանքից ելեկամտից զրկված մեր ավելի քան 50 հազար քաղաքացիների ու ընտանիքների գոյությունը պահպանելու համար: Պատրաստ եմ մանրակրկիտ հաշվետվություններ կայացնել պաշտոնը ստանձնելուց հետո ծախսված յուրաքանչյուր դրամի համար: Այս ամենը ներկայացնելուց հետո կրկին համոզվում եմ ներկայացնում, որ Արցախում ստեղծված իրավիճակն Արցախից դուրս կամ չի ընկալվում, կամ կան թյուրընկալումներ»:

Նա հայտարարեց, որ Հայաստանում ընթացող ցույցերը, հանրահավաքները որեւէ տեղից չեն կառավարվում: «Մենք համոզված ենք, որ ԶԶ ժողովուրդը համաձայն չէ Արցախն Ադրբեջանի կազմում ճանաչելուն և որեւէ մեկին նման լիազորություն չի տվել, ու հարկ եղած դեպքում պատրաստ ու կարող է հայտարարել դա: Մենք գիտակցում ենք, որ Արցախի ժողովրդի շահերի պաշտպանն ու այս պահին մեր շահերը միջազգային հարթակներում առաջին հերթին ներկայացնողը ԶԶ-ն է և աշխարհասփյուռ հայությունը, այդ պատճառով Արցախի ժողովրդի անունից ուզում ենք դիմել ԶԶ ժողովուրդին, աշխարհում ապրող բոլոր հայերին՝ մեր դիրքորոշումը հայտնել ու մեր պահանջը հղել Հայաստանի Հանրապետության իշխանություններին՝ դրանք ներկայացնելով կետ առ կետ: Արցախի ժողովրդի ճակատագիրը կարող է որոշվել միայն Արցախի ժողովրդի կողմից, որեւէ մեկը լիազորված չէ մեր անունից որոշելու մեր ապագան, իսկ Արցախի խաղաղասեր ժողովուրդը պատրաստ է ստանձնել իր բաժին պատասխանատվությունը այդ հակամարտության կարգավորման հարցում», - ասաց Ներսիսյանը:

Նա, դիմելով ԶԶ իշխանություններին, հայտարարեց՝ «- Արցախն ու Արցախի ժողովուրդը չեն կարող լինել Ադրբեջանի կազմում, - Անընդունելի է ԶԶ-ի կողմից Արցախն ու Արցախի ժողովրդին Ադրբեջանի կազմում ճանաչելու ցանկացած բանավոր կամ գրավոր հայտարարություն: Ինչպես վկայում են տեղի ունեցող իրադարձությունները, դրանք կործանարար են Արցախի համար և նպաստում են Ադրբեջանի կողմից Արցախի ժողովրդի նկատմամբ նորանոր հանցանքներ կատարելուն,



- Տասնամյակներ առաջ ծրագրվող ցեղասպանությունից փրկվելու համար համայն հայության անվերապահ աստարմամբ Արցախի ժողովուրդն օգտվել է ինքնորոշվելու իր միջազգային իրավունքից, ստեղծել է պետություն, կազմակերպել է արդի աշխարհակարգում ընդունված մոդելի պետական կառավարման համակարգ և ձեռնարկել կայուն, ինքնակառավարվող, միջազգային իրավունքի սկզբունքների ու նորմերի, մարդու հիմնարար իրավունքների և ազատությունների հարգման հիման վրա հիմնված հասարակարգ ու իրավակարգ, ուստի Արցախը չի կարող դիտարկվել Ադրբեջանի տարածքային ամբողջականության մեջ, քանզի այն վաղուց կա-

յացած քաղաքական միավոր է, - Արցախի ժողովրդի ինքնապահպանությունն ու դրա հրամայականով ինքնորոշման իրավունքի իրացումը համայն հայության կամարտահայտությունն է, և որեւէ մեկը, որեւէ իշխանություն Արցախի, Հայաստանի և աշխարհասփյուռ հայության անունից լիազորված չէ գիջելու Արցախի ժողովրդի իրավունքները և ընդունելու որոշում Արցախը հռչակելուն պատրաստ Ադրբեջանի մաս ճանաչելու մասին: - Արցախի ժողովրդի իրավունքները, այդ թվում՝ ինքնորոշման իրավունքը հարգելը և անվտանգությունը երշխավորելը պետք է լինի ոչ թե բանակցությունների հետևանք կամ արդյունք, այլ տարածաշրջանում խաղաղության հասնելու և փոխվստահելի մթնոլորտում բանակցություններ վարելու պայման: Հակառակ կամ այլընտրանքը Արցախի ժողովրդին խոշտանգելու, ֆիզիկապես ոչնչացնելու գնով հպատակեցնելու քաղաքականությունն է: Ադրբեջանը բաց ու հրապարակայնորեն ցուցադրում է այն, ինչն սպասվում է հայերին ադրբեջանական հպատակության ներքո: Տեսեք ևս հրաժարվեք դրան նպաստելուց:

Պահանջում ենք ԶԶ-ից՝ հրաժարվել Արցախը Ադրբեջանի կազմում ճանաչելու մտահղացումից և հարաբերությունների քաղաքական կարգավորման նման մոտեցումից: Այդ մոտեցումը ունակ չէ ապահովելու տարածաշրջանում խաղաղությունը և Արցախի ժողովրդի անվտանգ ու արժանապատիվ գոյությունը, ավելին՝ դա չի կարող երաշխավորել նույնիսկ ԶԶ գոյությունը, որովհետև թուրք-ադրբեջանական տանդեմի խնդիրը ոչ թե Արցախն է, այլ ողջ հայ ժողովուրդն ու ազգային պետականությունը: Վերջին շրջանում մենք մեզ պատեպատ ենք տալիս, մեր ժողովուրդը պատռում է իրեն, որ բոլորիս ընկալելի լինի, թե ինչ վիճակում է հիմա Արցախը: Գուցե Ձեզ թվում է, թե մենք ողբում կամ լաց ենք լինում, չմտածեք հանկարծ այդպես, մենք փորձում ենք կանգնած մնալ առանց ծնկելու, որպեսզի դուք մեր պատճառով չկործանվեք, չխեղդվեք ու կարողանաք ուժ հավաքել մեր կողքին կանգնելու համար: Գուցե մենք օր օրի կորցնում ենք մեր գիտակցությունը, գունատվում ու հյուսվում ենք, բայց համոզված եղեք, մենք հայրենիքը երբեք չենք ուրանալու: բացվելու է լուսապայծառ արեւը և շողողալու է Արցախն ու արցախցին»:

Տարեկի ԱՐԱՋԱՆՅԱՆ

Արցախում ՀՕՍ-ի իրականացրած ծրագրերի մասին



Հուլիսի 2-ին Ստեփանակերտում կայացել է Հայ Օգնության Միության Արցախի մեկուսի մասնաճյուղի 18-րդ տարեկան ընդհանուր անդամակցական ժողովը: Արցախի շրջափակման ու տարբեր խնդիրների առկայության պարագայում հրավիրված ժողովը բնակել է միավորի վարչության 21-ամսյա գործունեությունը, նախանշել առաջիկա գործունեության հիմնական ուղղությունները: Ժողովին առցանց մասնակցում էր ՀՕՍ-ի Կենտրոնական վարչության անդամ ընկ. Համեստ Պետրոսյանը: Հաշվետու ժողովին ներկա էր ՀՀ-ի Արցախի ԿԿ անդամ ընկ. Ալյոնա Գրիգորյանը: Ժողովի վերջում ընտրվել է ՀՕՍ-ի Արցախի միավորի վարչության նոր կազմ՝ Լիլիթ Մարտիրոսյան, Մելանյա Բալայան, Տարեկի Հովհաննիսյան, Իրինա Գրիգորյան, Անահիտ Գասպարյան:

«Ապառաժ»-ը ՀՕՍ-ի Արցախի միավորի գործունեության ու կատարած աշխատանքների մասին գրուցել է ՀՕՍ-ի Արցախի մեկուսի մասնաճյուղի վարչության ատենապետուհի Լիլիթ Մարտիրոսյանի հետ: Նրա խոսքով՝ շրջափակման պայմաններում շատ դժվար էր նույնիսկ անդամակցական ժողովի կայացումն ապահովել, քանի որ վառելիքի սղության պատճառով մի շարք բնակավայրերի ընկերակցություններն չեն կարողացել հասնել Ստեփանակերտ, իսկ ԿԿ անդամ Համեստ Պետրոսյանը ժողովին առցանց է մասնակցել: Լիլիթ Մարտիրոսյանը նշել է, որ ՀՕՍ-ի Արցախի միավորը, որպես Արցախում գրանցված և գործող բարեսիրական-հասարակական կազմակերպություն, պետական կառույցների կողմից ճանաչված է և համագործակցում է ԱՀ կառավարության, տարբեր նախարարությունների, պետական ու հասարակական կազմակերպությունների հետ: «ՀՕՍ-ի Արցախի միավորը, որպես ուղեկից կազմակերպություն, համագործակցել է ՀՀ-ի Արցախի կառույցի հետ, ինչի արդյունքում կազմակերպվել են համատեղ միջոցառումներ, վարչությունն ստացել է փոխադարձ գործակցություն ու օժանդակություն», - ասել է ՀՕՍ-ի Արցախի միավորի ատենապետուհին՝ ավելացնելով, որ մի շարք ծրագրեր են իրականացրել նաև ՀՀ-ի Արցախի երիտասարդական միության հետ: Լ. Մարտիրոսյանի խոսքով՝ հաշվետու ժամանակաշրջանում ՀՕՍ-ը Արցախում շարունակել է իրականացնել կրթության ոլորտի զարգացմանը միտված իր մասնաշրջանները: «2021-2022 ուսումնական տարվա համար ՀՕՍ-ի կրթաթոշակին արժանացել է Մարտունու քաղաքի բնակչուհի, Երեւանի պետական համալսարանի «Եվրոպական լեզուներ և հաղորդակցություն» ֆակուլտետի ուսանողուհի Անի Մկրտչյանը: 2022-2023 ուսումնական տարվա համար Կենտրոնական վարչության գնահատանքին և ներկայացվել էր կու ուսանողների դիմումագրեր՝ Արցախի Անկերտի շրջանի Խնածախ գյուղից Պավել Ավագիմյանին և նույն շրջանի օկուպացված Ակնաղբյուր գյուղից Սոսե Մարգարյանին, ընդ որում՝ երկու ուսանողներն էլ բարձր առաջադիմությամբ սովորում են Երեւանի Մխիթար Հերացու անվան պետական համալսարանում»: ՀՕՍ-ը Արցախում իրականացնում է նաև «Ուսանող» ծրագիրը: ՀՕՍ-ի Կենտրոնական վարչության մտահղացումով 2020-2022 ուսումնական տարվա համար ծրագրի շահառուներն Արցախի բոլոր համալսարանների 105 ուսանողներն էին, ովքեր մասնակցել են Արցախի 44-օրյա պատերազմին: Արցախի պետական, «Մերոպ Մաշտոց» «Գրիգոր Նարեկացի», ինչպես նաև Հուլիի Տեխնոլոգիական համալսարանների որոշ ուսանողներ 100-ական ԱՄՆ դոլար դրամական պարգև են ստացել: Արցախի դեմ սանձադրված պատերազմի հետեւանքով Արցախում գործող ՀՕՍ-ի «Սոսե» մանկապարտեզներից 4-ը՝ Մեծ Թաղերի, Հուլիի, Տողի և Զարեգահի մանկապարտեզները, գտնվում են թշնամու կողմից օկուպացված տարածք-

ներում: Ներկայումս գործում են ՀՕՍ-ի 4՝ Ստեփանակերտի, Խնձրիստանի, Աշանի և Ակնաղբյուրի «Սոսե» մանկապարտեզները: «Պատերազմում կրած մեծ կորուստներով հանդերձ» «Սոսե» մանկապարտեզները շարունակում են գործել ՀՕՍ-ի Կենտրոնական վարչության և աշխարհասփյուռ հոմուհիների հոծ բանակի, ինչպես նաև իրենց աշխատանքին ու առաքելությանը նվիրված ընկերուհիների, աշխատակիցների շնորհիվ», - ասում է ատենապետուհին: ՀՕՍ-ի Արցախի միավորի ատենապետուհին հակիրճ խոսել է իրականացված այլ ծրագրերի մասին ևս: 2021 թվականի դեկտեմբերին ՀՕՍ-ի Կանադայի միավորի հանգանակած գումարով հակառակորդի անմիջական ազդեցության տակ գտնվող Անկերտի, Մարտունու, Մարտակերտի, Հուլիի շրջանների 22 համայնքների 1190 երեխաներ ստացել են 20 ԱՄՆ դոլարի համարժեք ամսնորյա նվերներ՝ 581 ընտանիք՝ 20-ական ԱՄՆ դոլար դրամական նվեր: Ծրագրին իրականացվել է ԱՀ կրթության, գիտության, մշակույթի և սպորտի նախարարության հետ համագործակցությամբ: Արցախի 44-օրյա պատերազմից անմիջապես հետո «Նահատակված հերոսների գավակներ» ծրագրի շրջանակներում հավաքագրվել է Արցախից 662 երեխայի մասին տեղեկություն: 2021-2023թթ. ծրագրի շրջանակներում փոխանցվել է 411 երեխայի գումար: 2022 թվականի օգոստոսի 3-ին ԱՀ Մարտակերտի շրջանի Կոճողոտ գյուղի դպրոցականների համար ՀՕՍ-ի Արցախի միավորի վարչությունը դպրոցի տնօրինության հետ համատեղ 50 երեխայի համար կազմակերպել է մեկօրյա հանգստի ծրագիր: → 6

Միայն գեներով կա հայոց փրկություն

Հուլիս 27-ը հայ ժողովրդի պատմության մեջ նշանավորվեց որպես հայոց նորագույն պատմության եւ հայ դատի պահանջատիրական պայքարի մեջ գերագույն անձնագործության եւ նվիրումի օր, որով սերունդներ են դաստիարակվում՝ ուխտելով պայքարել Հայաստանի ամբողջական ազատագրության համար:

40 տարի առաջ՝ 1983թ. հուլիսի 27-ին 5 հայ երիտասարդներ, ովքեր ՀՀԿ Լիբանանի երիտասարդական միության անդամներ էին, Պորտուգալիայի մայրաքաղաք Լիզբասթոնում գրավում են Թուրքական դեսպանատանը պատկանող համալիրն ու պայթեցնում շենքն ու իրենք իրենց: Այդ օրը արյունով գրված անջնջելի թվական դարձավ համայն հայության համար:

Այդ 5 ողջակիզներն էին Հայ Յեղափոխական Բանակի անդամներ՝ Վաչե Տաղյանը, Սեդրակ Աճեմյանը, Սիմոն Յահիկյանը, Արա Զրջյանը եւ Սարգիս Աբրահամյանը: Արանց հերոսական գործողության նպատակը Հայոց ցեղասպանության եւ Հայոց դատի շուրջ ստեղծված՝ աշխարհի լռության պատը քանդելն էր, որը խորհրդանշի դարձավ Հայ դատի զարթոնքին ու նոր էջ բացեց Հայոց ցեղասպանության ճանաչման եւ արդարության վերականգնման համար: Ողջակեզ տղաների անձնավորական քայլը նորովի իմաստավորեց «Իմացյալ մահն անմահություն է» գաղափարը:

Հայ Յեղափոխական Բանակի գործողությունների թիրախը բացառապես Թուրք պաշտոնյաներն էին: Այդ է պատճառը, որ Լիզբոսի գործողության մասնակիցները կրակ չեն բացում պորտուգալացի ոստիկանների վրա:

Տղաները երկար ժամանակ պատրաստվել են գործողությանը: Մարզվել են քննարկել են բոլոր մանրամասները, սակայն նրանց ընկերներից եւ հարազատներից որեւէ մեկը տեղյակ չի եղել եւ անգամ չի նկատել որեւէ տարօրինակ հանգամանք: Գործողության մեկնելու նախօրեին բոլորը ստել եւ տարբեր պատճառներ են ներկայացրել տանից հեռանալու համար:

Գործողության մասնակիցներից ամենատարեցները՝ Սիմոնը եւ Սարգիսը, 21 տարեկան էին: Արան՝ 20, Վաչեն եւ Սեդրակը՝ 19:

Լիսաբոնում Թուրքիայի դեսպանատունը ակտի օրը անսպասելի ավելացրել էր դեսպանատան տարածքը հսկող ոստիկանների թիվը:

Դաշնակցական երիտասարդները Հայոց ցեղասպանության մասին վերստին խոսել հրահրելու համար հարձակվեցին Լիսաբոնի թուրքական դեսպանության շենքի վրա եւ գործողության ավարտին՝ հայտարարություն տարածելուց հետո, պայթեցրին իրենց: Հայտարարության մեջ ասվում էր.

«Իմացե՛ք՝ մենք ինչ ենք անում: Ազատասեր հայ երիտասարդները որոշել են անգործ չսպասել: Մենք ամեն ինչ կորցրել ենք եւ այդ պատճառով որոշել ենք օդ բարձրացնել այդ շենքն ու մսալ դրա տակ: Սա ինքնասպանություն ու խելագարություն չէ, այլ բարձրագույն նվիրատվություն ազատագրական պայքարին: Թող միջազգային հանրությունը մեզ արկածախնդիր անվանի կամ ահաբե-

կիչ ու դահիճ, ոչինչ: Մենք որոշել ենք ուժի դիմել, որովհետեւ թրջական իշխանությունն ու այլ երկրներ, որոնք պաշտպանում են այդ իշխանությանը, ոտնահարում են հայ ժողովրդի իրավունքները: Հայ ժողովուրդը երկար է սպասել, որ միջազգային դատարանը գտնի հայկական հարցի լուծումը: Հայ ժողովրդի ինքնակողմորոշման միակ ելքը զինված պայքարն է: Նախնիների ազատ եւ անկախ հայրենիքում ապրելն ու զարգանալը հայ ժողովրդի իրավունքն է»:

Ոստիկանների բացած կրակից առաջինը զոհվում է Սիմոն Յահիկյանը, ով սիրում էր սրինգ նվագել եւ միշտ անբաժան էր իր սրինգից: Այդ օրը, սակայն, սրինգը նրա մոտ չէր:



Կայծակնային արագությամբ իրագործված ամբողջ գործողությունն այնքան ցնցող էր, որ բառի խորագույն իմաստով սահմանելու ոչ միայն աշխարհով մեկ ցրված պահանջատեր հայությունը, այլ նաեւ հայկական իրավունքի ու արդարության շուրջ ուրացման պատ քաշած ցեղասպան Թուրքիան եւ նրա հետ քայլ պահող ամբողջ լուրջության պատասխանատու մեծապետական ուժերը:

Թրքական պետությունն ու մեծապետական քաղաքականությունը, ցեղասպանության եւ անարդարության վրա իրենց խարսխած աշխարհակարգի հանգիստը վերահաստատելու խուճապով, տեսնագին լծվեցին՝ իրենց իսկ բառերով՝ «Հայկական Ահաբեկչության նորահայտ վտանգը» խեղդելու աններելի արշավին... Մեծապետական աշխարհը ցնցվեց Լիսաբոնի պայթյունից, բայց չկարողացավ սթափվել մարդկային խղճմտանքի պարտադրված մահաքննիչ եւ անձնատուր դարձավ իրավունքի ու արդարության պայքարին պետական ահաբեկչությամբ պատասխանելու մոլորակը:

Որոշակի ժամանակ պետք եղավ, որպեսզի Լիզբոնի հինգի գերագույն զոհաբերությունը հայերին եւ ողջ աշխարհին հասկանալի դառնա իրենց իսկ խոստովանությամբ՝ նախքան գրոհը կատարված նրանց տեսագրու-

թյան հետագա հրապարակումով.

- «Առանց հայրենիքի, առանց մայր հողին՝ ո՛չ ապագայ կայ, ո՛չ կեանք, ո՛չ ընտանիք կ'ըլլայ: Առանց մայր հողին, առանց ազգին, որեւէ ընտանիք գոյութիւն չունենար», - հավատացած էր Արան:

- «Շատ հպարտ եմ, որ հայ ծնած եմ, որովհետեւ հայ պիտի մեռնիմ: Շատ ուրախ եմ այս գործողութեամբ: Հիմա մեր ապրած կեանքը իսկապես որ կեանքէ գատ՝ ամեն ինչի կը նմանի: Կ'ապրինք ուրիշին տիրապետութեան տակ, ուրիշին խամաճիկներն ենք», - ավելացրեց Սիմոնը:

- «Ինչպէս որ կ'ըստ երգը (Սարգսրապատի հերոսներուն նուիրուած երգը-Ն.), «Երբ չի մնում ելք ու ճար, խենթերն են գտնում հնար»: Այո՛, մենք խենթեր ենք, բայց չափերտեալ խենթեր: Եկե՛ք, միացե՛ք մեզի: Կը հաւատամ, որ կը տիրանանք մեր հայրենիքին», - հայտարարեց Սա- ջեն:

- «Ես բնական մահով պիտի չմեռնիմ. զոհը պիտի չըլլամ ճակատագրի խաղերուն: Ես Հայ Դատի զինուոր եմ. կեանքս պիտի զոհեմ այդ ճամբուն վրայ», - ընդգծեց Վա- ջեն:

- «Մենք առաջինները չենք, որ կը քալենք, մեզմէ առաջ շատեր քալած են, եւ կը յուսամ, որ մեզմէ աւելի լաւերն ալ պիտի գան, մեզմէ աւելի գործեր պիտի ընեն», - պատգամեց Սեդրակը:

Ահա այսպէ՛ս Լիզբոնի հինգի գերագույն զոհաբերու- թյան անմար ոգին վերանորոգեց հայ ժողովրդի ամբողջական ազատագրության պայքարի անսակարկ զինվորագրվելու հայոց նորահաս սերունդների մարտունակությունը, Հայ Դատի արդար լուծումը անկեղծ զինվորի անձնագործությամբ նվաճելու՝ արյամբ նվիրագործած գաղափարական հանդգնությունը:

Եվ իրավունքի ու արդարության ամբողջական վերականգնման անսակարկ պահանջատիրությամբ եւ հարատու կռվի ուղիով իր երթը շարունակող նորօրյա հայը, այսօր թե վաղը, երբ իր գավառների հայեցի շունչ ու գաղափարական թռիչք կներարկի, անպայման պիտի հիշի եւ միշտ պիտի հիշեցնի Լիզբոնի հինգի՝ իբրեւ հավերժի մեջ հայոց արդար ցասումի արձագանգող պոռթկումը:

Լիզբոնի հինգի հետ մեր Եուրօսան կենսուրախ մեկ քնի- ջը ողջակիզվեց, որպեսզի իբրեւ ոգեշնչող անմար կրակ՝ յուրաքանչյուր հայի մեջ հառնի կամքն ու ուժը մինչեւ վերջին շունչ պայքարելու համակերպումի եւ պարտվողականության, հուսալքումի եւ անձնատվության ամեն կարգի փորձության դեմ:

«Ահա այսպէ՛ս արշավեցին Լիզբոն զոհված քաջ ընկերներ»-ը:

Տղաները թաղված են միասին՝ Բեյրութում Բուրջ Համուդի Ազգային գերեզմանատանը: Գերեզմանի հուշաքարին միացեսալ Հայաստանի քարտեզն է, որից վեր են խոյանում հինգ դաշյուններ:

Տղաների գերեզմանատունը ուխտատեղի է աշխարհի տարբեր ծայրերում բնակվող հազարավոր հայերի հա- մար:

Երբեք պատրաստեց Վահագն ԽԱՉԱՏՐՅԱՆԸ

Արցախում ՀՕՍ-ի իրականացրած ծրագրերի մասին

5 «2023 թվականի փետրվարի 6-ին Սիրիայում տեղի ունեցած ահավոր երկրաշարժի հետեւանքով առաջացած մարտահրավերներին դիմակայող մեր հայրենակիցներին օժանդակելու համար՝ արձագանքելով ՀՕՍ-ի Կենտրոնական վարչության կողմից, ՀՕՍ-ի Արցախի միավորը ԱՀ Կառավարության հետ համագործակցությամբ կազմակերպել է դրամահավաք, որին իրենց ակտիվ մասնակցությունն են ունեցել պետական կառույցների աշխատակիցները, ՀՀԿ Արցախի կառույցը, ՀՕՍ-ի ընկերակիցները, աշխատակիցները, մանկապարտեզների սանիկների ծնողները, Արցախի տարբեր համայնքների բնակիչներ», - տեղեկացրել է Լ. Մարտիրոսյանը՝ ավելացնելով, որ Սիրիայի հայ համայնքը բարձր է գնահատել այս դժվարին վիճակում Արցախից իրենց հասած օժանդակությունը:

2022 թվականին /սեպտեմբեր-դեկտեմբեր/ ՀՕՍ-ի «Թիկունք կանգնեց արցախահայ ընտանիքին» ծրագրի շրջանակներում աջակցություն է տրամադրվել Զաշաթաղի շրջանից 2022թ. օգոստոս ամսին հարկադրաբար տեղահանված Աղավտ գյուղի այն 6 ընտանիքներին (թվով 21 շունչ), ովքեր բնակություն են հաստատել Արցախի տարբեր բնակավայրերում: ՀՕՍ-ի Կենտրոնական վարչության, ՀՕՍ-ի Արցախի միավորի վարչության եւ ՀՀԿ Արցախի ԿԿ-ի որոշմամբ

չորս ամիս շարունակ, ըստ ընտանիքների շնչերի, /յուրաքանչյուրին՝ 40.000 ՀՀ դրամ/ աջակցություն է տրամադրվել Աղավտ գյուղի մեր հայրենակիցներին: 2022 թվականի սեպտեմբերի 23-ին ՀՕՍ-ի Կենտրոնական վարչության միջոցով ՀՕՍ-ի ԱՄՆ Արեւմտյան շրջանի շրջանային վարչության կողմից նվիրատվությամբ Արցախյան 44-օրյա պատերազմում վիրավորված եւ հաշմանդամության խումբ ստացած 52 վիրավորների տրամադրվել է 200-ական ԱՄՆ դոլար / 80.000 ՀՀ դրամ/ ֆինանսական աջակցություն: Ծրագիրն իրականացվել է ԱՀ սոցիալական զարգացման եւ միգրացիայի հարցերի նախարարության եւ Ստեփանակերտի Բերդայն Զոքսի անվան վերականգնողական կենտրոնի հետ համագործակցությամբ:

Հետպատերազմյան շրջանում Արցախում իրականացված ամենամեծ ծրագրերից է ՀՕՍ-ի «Արեւային Արցախ» ծրագիրը, որի նպատակն է ապահովել արցախահայության կյանքի բնականոն ընթացքը հայրենի հողի վրա: ՀՕՍ-ի «Արեւային Արցախ» ծրագրի շրջանակում 101 արեւային ջրատաքացուցիչներ տեղադրվեցին սոցիալապես խոցելի խավերի եւ Արցախի 44-օրյա պատերազմում նահատակ ունեցած ընտանիքների համար: Սարքավորումների որոշ դետալների ներմուծման դժվարությունների, տների տա-

լիքների հետ կապված խնդիրների պատճառով որոշ առանձնատներում տեղադրման աշխատանքներն ավարտին չեն հասցվել: Արցախի ՀՀ Դաշնակցության Ստեփանակերտի «Արթուր Մկրտչյան» կոմիտեի նախաձեռնությամբ կազմավորվել է հանձնաժողով՝ ՀՀԿ կուսակցության ուղեկից կառույցների, այդ թվում՝ ՀՕՍ-ի վարչության անդամների հետ: Հանձնախումբը ապրիլի 7-ին Ստեփանակերտում կազմակերպել էր միջոցառում՝ նվիրված Մայրության եւ գեղեցկության, Սուրբ Աստվածածնի Ավետման տոն օրվա: Միջոցառմանը մասնակցում էին Արցախյան պատերազմներում նահատակված ՀՀԿ եւ ուղեկից կառույցների անդամների կանայք, մայրեր, ՀՀԿ Արցախի կառույցի ներկայացուցիչներ եւ ՀՕՍ-ի Արցախի միավորի անդամներ: Հանձնախմբի հաջորդ ձեռնարկը նվիրված էր Հայաստանի Առաջին Հանրապետության տոնին: Հայոց պետականության վերականգնման՝ Հայաստանի Առաջին Հանրապետության հիմնադրման 105 ամյակի առթիվ ՀՀԿ Արցախի երիտասարդական միության նախաձեռնությամբ եւ ՀՕՍ-ի Արցախի մեկուսի մասնաճյուղի վարչության աջակցությամբ Ստեփանակերտի Մշակույթի եւ երիտասարդության պալատում մայիսի 29-ին կազմակերպվել է տոնական միջոցառում, որտեղ երկու համարներով հանդես են եկել նաեւ ՀՕՍ-ի Ստե-

փանակերտի «Սոսե» մանկապարտեզի սաները: Ծրագրերը ֆինանսավորվել են ՀՕՍ-ի ԱՄՆ Արեւմտյան շրջանի Շրջանային վարչության կողմից:

«1992 թվականին մուտք գործելով Արցախ, ՀՕՍ-ն իր հետեւողական, համառ աշխատանքով իրականացրել է բարեսիրական, հասարակական, ու մարդասիրական մի շարք ծրագրեր եւ նպաստել կրթության, մշակույթի, առողջապահության, սոցիալական ու տնտեսական այլ ոլորտների զարգացմանը: ՀՕՍ-ն իր կամավոր անդամակիցներով 44-օրյա պատերազմի օրերին եւ դրան հաջորդած տարիներին անգնահատելի ծառայություններ է մատուցել հայրենիքին. թիկունք կանգնել մեր հայրենակիցներին, սատարել զոհված ազատամարտիկների ընտանիքներին, վիրավորներին, տեղահանվածներին, սահմանում կանգնած հայ զինվորին եւ առ այսօր էլ աջակցում է արցախցուն՝ թշնամու կողմից շրջափակման հետեւանքով Արցախում ստեղծված հուսմանիտար ճգնաժամի հաղթահարման գործում: Վստահ ենք, որ Հայ Օգնության Միությունը հավատով եւ նվիրումով կշարունակի իր առաքելությունը՝ հավատարիմ մնալով ՀՕՍ-ի կարգախոսին՝ «Ժողովրդիս հետ, ժողովրդիս համար», - հավելել է ՀՕՍ-ի Արցախի միավորի ատենապետուհին:

Տարեկի ԱՐԱՋԱՆՅԱՆ

Արցախից լավ տեղ չկա մեր ժողովրդի համար. Ռ. Առուստամյան

Արցախից փախչող կողմի վարած քաղաքականությունը ի վերջո հետապնդում է Արցախի վերջնական հայաթափում: Դրան հասնելու համար թշնամական կողմը գործադրում է ամենատարբեր միջոցներ: 2022թ. դեկտեմբերի 12-ից սկսված շրջափակումը լրջագույն խնդիրներ է ստեղծել Արցախի համար՝ կապված սննդի, էներգիայի աղբյուրների, ջրի հետ, իսկ սահմանամերձ բնակավայրերի ուղղությամբ թշնամու զինուժը պարբերաբար կրակոցներ է արձակում՝ փորձելով ճնշել, վախեցնել գյուղացիներին:

Մարտակերտի շրջանի Կիչան գյուղից աղբյուրական դիրքերի հեռավորությունը օդային գծով ընդամենը 2 կիլոմետր է: Գյուղը դիտարկվում է թշնամու 2 դիրքերից, որտեղից թեև գյուղի ուղղությամբ հաճախակի չեն կրակում, սակայն կրակոցներ լինում են հիմնականում դիրքերի ուղղությամբ: Այս մասին «Ապառաժ»-ի հետ զրույցում նշել է Կիչան համայնքի ղեկավար Արտո Զակոբյանը:

Նրա խոսքով՝ չափազանցված են լուրերը, թե հունիսի 27-ի լույս 28-ի գիշերը գյուղը տարհանվել է, եւ կրակոցները եղել են Կիչանի ուղղությամբ:

«Թշնամին կրակում էր դիրքերի ուղղությամբ, իսկ լուսաբացին մոտ արդեն սկսեց կիրառել նաեւ խոշոր տրամաչափի զինատեսակներ: Դրանից հետո խուճապ է տարածվել, որ Կիչանի վրա են կրակել, գյուղը տարհանվել է, սակայն գյուղացիները իրենց տներից չեն հեռացել: Կրակոցների արդյունքում պայթեցրել են էլեկտրականության գծերը, ցավոք սրտի, դիրքերում նաեւ զոհեր ենք ունեցել», - ասել է համայնքի ղեկավարը:

Ըստ Ա. Զակոբյանի՝ գյուղացիները, բոլոր դժվարություններին հակառակ, շարունակում են հողին կառնած ապրել ու արաբել: Պատերազմից հետո բոլորը վերադարձել են գյուղ: 44-օրյա պատերազմում 2 զոհ է ունեցել գյուղը:

«Մարդիկ կտորված չեն, խուճապի մեջ չեն: Գյուղացիների հիմնական զբաղմունքը հողագործությունն է, սակայն թշնամին խոչընդոտներ է ստեղծում նաեւ այստեղ: Մինչ պատերազմը գյուղացիներն ավելի շատ էին հողագործությամբ, այժմ գործնառնությամբ ու անասնապահությամբ զբաղվում, սակայն այսօր գյուղացիները զրկված են այդ իրավունքից: Այս տարի սահմանափակ քանակությամբ են մշակվել ցորենի եւ գարու արտերը: Կարմիր խաչի կողմից տեղադրվել է 17 ջերմոց, որոնք բոլորն էլ օգտագործվում են տարբեր մշակաբույսերի արձեցման նպատակով: Մարդիկ հասկացել են, որ երեւանից էլ չեն կարողանա բանջարեղեն բերել, սկսել են ինքնուրույն մշակել», - նշել է Ա. Զակոբյանը:

Համայնքի ղեկավարը մտահոգիչ է համարել անասնապահության վիճակը: Խոշոր անասունների գլխաքանակը նվազել է՝ կապված կերի եւ արոտավայրերի բացակայության հետ:

«Անասուններն անցնում են թշնամու վերահսկողության տակ գտնվող տարածք ու այլեւս հետ վերադարձնել չենք կարողանում: Վերջերս իմ անասուններն էին անցել: Ռուսների հետ պայմանավորվել էինք, որ խնդիր չի լինի, ու ասացին, որ կարող են գնալ ու բերել: Սակայն հենց գնացի՝ սկսեցին ինձ վրա կրակել: Ձեռքիս հեռախոսի միջոցով կարողացա կապվել նրանց հետ, եւ ռուսներն ասեցին՝ մի քիչ սպասեմ, իսկ քիչ անց տեղեկացրին, որ աղբյուրական կողմը թույլ չի տալիս առաջ գնալ, ինչ որ ձեռով դուրս գամ դաշտից եւ վերադառնամ: Բարեբախտաբար, հետո կովերը ինքնուրույն հետ վերադարձան», - մանրամասնել է համայնքի ղեկավարը:

Ներկայումս գյուղը ջրի խնդիր չունի տեղացած առատ անձրեւների պատճառով, սակայն, ըստ համայնքի ղեկավարի, այն ի հայտ է գալիս հատկապես երաշտային ժամանակաշրջանում՝ օգոստոսին: Նման դեպքերում մի

քանի ժամով են ջուր բաց թողնում, իսկ գյուղացիներն այն պահեստավորում են եւ դրանով ոռոգում իրենց այգիները:

Գյուղատնտեսական աշխատանքների համար լրջագույն խնդիր է ստեղծում նաեւ վառելիքի բացակայությունը, իսկ գյուղատնտեսական տեխնիկան մինչեւ վերջին դեպքերը ապահովում էին հարեւան գյուղերից, սակայն այժմ, իմանալով թե որտեղ պետք է կատարվեն այդ աշխատանքները, շատերը հրաժարվում են:

Գյուղում տեղահանված մեկ ընտանիք կա: Գործում է գյուղապետարան, ակումբ, դպրոց: Բուժկետը պետք է կառուցել, որի համար շինանյութն արդեն բերվել էր, սակայն, համայնքի ղեկավարի խոսքով, այդպես էլ չհասցրին այն կառուցել:

Կիչանում տեղադրվել է 6 արեւային ջրատաքացուցիչ, 2-ը՝ զոհվածների ընտանիքների համար, իսկ մյուս 4-ը՝ գյուղացիներն են սեփական նախաձեռնությամբ տեղադրել, որի գնի կեսը տուբսիդավորել է պետությունը:

«Իրեն արդարացնում է: Երբ հոսանք չկա, մշտական տաք ջուր ունենք», - նշել է Ա. Զակոբյանը:

Նրա խոսքով՝ գյուղի մնացած հարցերը իրենց լուծումը կարող են ստանալ, եթե նախ եւ առաջ կարողանանք լուծել անվտանգության հարցերը, որպեսզի մարդիկ կարողանան սեփական աշխատանքով վաստակել իրենց եկամուտը:



Կիչան գյուղից հարակից է Նոր Ղազանչի գյուղը: Այն եւս սահմանամերձ է եւ ունի այն բոլոր խնդիրները, ինչ ունեն Կիչանն ու մնացած այլ սահմանամերձ գյուղերը: Նոր Ղազանչի համայնքի ղեկավար Ռուսլան Առուստամյանի խոսքով՝ գյուղացին պետք է զբաղվի գյուղատնտեսությամբ, սակայն այսօր հողագործությամբ ու անասնապահությամբ զբաղվելու համար համապատասխան պայմաններ չկան: Բնակչության մի մասն զբաղվում է խոզաբուծությամբ, մնացածն էլ ուժային կառույցներում են աշխատում:

Նրա խոսքով՝ մինչ պատերազմը գյուղն ուներ 101 հա վարելահող, որից 13 հա-ն մնացել է թշնամու տիրապետության տակ, իսկ մեր վերահսկողության տակ մնացած հատվածներում էլ թշնամին թույլ չի տալիս իրականացնել համապատասխան գյուղատնտեսական աշխատանքներ:

«2021թ. կատարել ենք 65 հա աշնանացան, իսկ դրանից հետո այլեւս աղբյուրական կողմը թույլ չի տվել մշակել այդ հողերը: Այս տարի կարողացել ենք մշակել 4 հա գարի, 4 հա հաճար եւ 5 հա կարտոֆիլ», - մանրամասնել է համայնքապետը:

Գյուղում 14 ընտանիքի Կարմիր խաչի կողմից տրամադրվել են ջերմոցներ:

«Մնացած գրեթե բոլոր ընտանիքները եւս ցանկություն են հայտնել ջերմոցներ ձեռք բերել: 7-8 ընտանիքներ ցանկություն են հայտնել ձեռք բերել նաեւ արեւային ջրային տաքացուցիչներ», - նշել է Ռ. Առուստամյանը:

Գյուղում չկա բուժկետ, չկա մանկապարտեզ, իսկ դպրոցը Նոր Ղազանչի եւ Կիչան համայնքները միասին են օգտագործում: Ըստ համայնքապետի՝ ճանապարհները 7-8 ամիս առաջ բարեկարգվել էին, սակայն հորդառատ անձրեւները դրանք նորից քանդել են:

Շրջափակման ընթացքում գյուղ հասնում էր կտրուկներով նախատեսված սնունդ, սակայն վերջին լիակատար շրջափակումից հետո սննդի եւ վառելիքի բացակայության խնդիրն իրեն զգացնել է տալիս ինչպես Նոր Ղազանչիում, այնպես էլ Արցախի բոլոր բնակավայրերում:

Պատասխանելով ապագայի վերաբերյալ ունեցած տեսլականի մասին հարցին, Ռ. Առուստամյանը պատասխանեց, որ Արցախի 100 տոկոսն էլ կցանկանար, որպեսզի լուծվեն անվտանգային խնդիրները եւ մարդիկ վերադառնան իրենց միջպատերազմական կյանքին:

«Արցախից լավ տեղ չկա մեր ժողովրդի համար», - եզրափակել է համայնքի ղեկավարը:

Շիրխանում Հայրապետյանը՝ շուրջ 30 տարի է, ինչ ապրում է Նոր Ղազանչիում: Այստեղ հաստատվել է Ղազանչի գյուղից: Պատերազմից հետո բոլորը վերադարձել են գյուղ եւ շարունակում են ապրել, սակայն թշնամու կրակոցները միշտ թարմ են պահում պատերազմի մասին հիշողությունները: Նրա խոսքով՝ հունիսի 27-ի կրակոցները նորից գյուղացիներին հիշեցրին սեպտեմբերի 27-ի առավոտը:

«Առաջներում էլի եղել են կրակոցներ, սակայն ոչ գյուղի ուղղությամբ: Հունիսի 27-ի դեպքերը մեզ նորից հիշեցրին սեպտեմբերի 27-ի առավոտը: Շատ մեծ տրամաչափի զենքերով են կրակել», - պատմել է նա:

Տիկին Շիրխանումի խոսքով՝ 1988-ից առ այսօր շարունակվում է հայերի ցեղասպանությունը:

«Ինչպե՞ս ապրենք նրանց հետ: Նույնիսկ խորհրդային ժամանակներում նրանց իրենց անմարդկային են դրսեւորել: Հիմա ինչպե՞ս այսքան զոհերից հետո ասենք՝ նրանց հետ ապրում ենք: Հնարավոր բան չէ», - վստահորեն ասել է տիկին Շիրխանումը:

Նրա թոռնիկը եւս ՊԲ շարքերում է ծառայում:

«Մինչեւ թոռնիկս վերադառնում է դիրքերից, կես մարդ եմ դառնում: Ասում է բաբո, մի վախեցիր, բոլորին կսպանենք ու հետ կբերենք ամեն ինչ: Երիտասարդները պնդում են, որ ամեն գնով պետք է պաշտպանենք այս հողը, բայց ինչպե՞ս, ի՞նչ միջոցներով, անհասկանալի է: Այդքան զուսմարներ են ծախսում, օգնություններ են բաժանում, դրա փոխարեն մի գեղ էլ չեն գնել, որ հարձակման դեպքում զոհն պաշտպանվենք: Հայ ժողովուրդն անտեղ է մնացել», - ասել է տիկին Շիրխանումը:

Տիկին Շիրխանումը այսօր միայնակ է մնացել գյուղում: Ամուսինը չկա, իսկ տղան ու հարսը՝ 8 ամիս է, ինչ չեն կարողանում երեւանից վերադառնալ. բուժման նպատակով էին մեկնել: Ուստի այսօր միայնակ է փորձում դիմակայել շրջափակման հարուցած դժվարություններին: Թեև խնդիրները շատ են, սակայն տիկին Շիրխանումը միայն իր մասին չէ, որ մտածում է:

«Մեկ անգամ են թռչակառուներին օգնություն տվել, սակայն դա էլ չենք ուզում, միայն թե խաղաղություն լինի: Գյուղում հնարավոր է մտնող գտնել, բա քաղաքում ի՞նչ անեն: Բերում են գունավոր կտրուկներ տալիս, բայց ապրանք չկա, եղածի դեպքում էլ՝ ով գումար ունի՝ միանգամից գնում է, ով էլ չունի՝ մնում է առանց ապրանքի: Դա էլ մի կողմ, միայն թե կռիվ չլինի», - եզրափակել է նա:

Վահագն ԽԱՉԱՏՐՅԱՆ

ՀԱՇՄ համաարցախյան երկրորդ բանակումը

Հունիսի 23-28-ը Ստեփանակերտի «Կարկառ» ճամբարի տարածքում կայացել է Հայ մարմնակրթական ընդհանուր միության (ՀԱՇՄ) համաարցախյան երկրորդ բանակումը: Համաարցախյան առաջին բանակումը կազմակերպվել է մասնաճյուղի բացման տարվա ընթացքում՝ 2019թ.: Դրանից հետո կորունավիրուսի, պատերազմի պատճառով աշխատանքները հետաձգվել են:

ՀԱՇՄ Արցախի մասնաճյուղի ատենապետ Դավիթ Գրիգորյանի խոսքով՝ այս պայմաններում բանակումի կազմակերպումը մեծ մարտահրավեր է, սակայն առողջ դաստիարակությունը, կրթությունը չպետք է տուժն՝ անկախ պայմաններից: «Նախքան բանակումը՝ 25 հոգանոց խմբապետական կազմին պատրաստելու աշխատանքներ են ընթացել: Բանակումին Ստեփանակերտի դպրոցներից 4-ական տղա ու աղջիկ ենք ընդգրկել, նախատեսում էինք 96 հոգի նորագիր ու խմբապետական կազմ, բայց առաջին օրը 125 հոգի մասնակիցներ կային: Երկու օր հետո մոտ 40-ը լքեցին ճամբարը՝ դժվար պայմանների, հարազատների կարոտի պատճառով: այժմ 100 մասնակից կա», - ասում է նա:

«ՀԱՇՄ-ի նպատակը միտքն ու մարմինը մարզելն է: Մեր ճամբարները շեքերում չեն լինում, կազմակերպվում են վրանային պայմաններում, բնության գրկում», - նշում է ճամբարի պետ Անդրանիկ Զավուշյանը: «Խանգարող հանգամանքներ կային, բայց կարողացանք դրանք հաղթահարել: Ժամանակի սղության ու տեղատարափ անձրեւների պատճառով որոշ նախատեսված ծրագրեր չկարողացանք իրագործել: Տարբեր դպրոցների աշակերտների տարբեր խմբերում ընդգրկեցինք, կարողացանք համախմբել, ծանոթացնել իրար հետ», - հավելում է ճամբարի պետը:

Բանակումին ֆինանսապես աջակցել է ԱՀ կրթության, գիտության, մշակույթի եւ սպորտի նախարարությունը, ծախսերի մի մասն էլ հոգացել է ՀԱՇՄ-ի Կենտրոնական վարչությունը: Բանակումի սկիզբն ազդարարվում էր առավոտյան ժամը 7:00-ին, այնուհետեւ նախաձայնով, վրանների ստուգում, մաքրում, դասախոսություններ, մարզական մրցույթներ, ժամանցային խաղեր: Նպատակը պատանիներին գործնականում սկառուական աշխատանքներին ծանոթացնելն է, սկառուական

նոր խմբեր պատրաստելը եւ բնությանն ավելի մոտ դարձնելը: Ինչպես նշում են կազմակերպիչները՝ ամենամեծ խնդիրը սննդի հետ էր կապված, որի պատճառով ստիպված մի շաբաթ հետաձգել են ծրագիրը՝ տեղական բանջարեղենի սեզոնին հասնելու համար: Նաեւ բանակավայրն են Ստեփանակերտից մոտիկ վայր ընտրել, որպեսզի հնարավոր լինի սնունդ հասցնել եւ հիվանդանոցին մոտ լինել:

Բանակումին մասնակցում էին 11-12 տարեկան պատանիներ: Նրանք նշում են, որ այս օրերի ընթացքում ավելի կարգապահ, կազմակերպված են դարձել, ավելի լավ են սկսել ճանաչել բնությունը, ու բանակումը կմնա՝ որպես լուսավոր դրվագ:

Բանակումի փակման արարողության ժամանակ մասնակիցները հանդես են եկել սպորտային, գեղարվեստական ելույթներով, ակտիվություն ցուցաբերած սկառուները պարգևատրվել են պատվոգրերով ու շնորհակալագրերով, իսկ երեկոն եզրափակվել է խարույկի շուրջ հաճելի ժամանակով:

Տարեկի ԱՐԱՋԱՆՅԱՆ

ՀՀԴ պատանեկան ճամբար Մարտունիում

Տարիներ ի վեր Արցախի պատանիների ամառային հանգստի անբաժան մասն են կազմում ՀՀ Դաշնակցության երիտասարդական միությունների կողմից կազմակերպվող բակային ճամբարները: Ամեն տարի աշխարհի տարբեր երկրներից դաշնակցական երիտասարդներ էին ժամանում Արցախ՝ իրենց հետ աշխուժություն բերելով Արցախ: Նախորդ տարվանից սկսած՝ շրջափակումն այս տարի անհնար դարձրեց այդ երիտասարդների մուտքն Արցախ, սակայն դա խոչընդոտ չհանդիսացավ, որպեսզի ՀՀԴ Արցախի երիտասարդական միությունը շարունակի ՀՀԴ պատանեկան ճամբարների ծրագիրը:

Մարտունի քաղաքում հուլիսի 17-ին մեկնարկել էր ՀՀԴ Արցախի երիտասարդական միության կողմից կազմակերպված պատանեկան բակային ճամբարը: 12-16 տարեկան պատանիների համար նախատեսված ճամբարը հովանավորվել է ՀՀԴ Արևմտյան շրջանի երիտասարդական միությունը:



Ըստ ՀՀԴ ԱԵՄ-ի Կենտրոնական վարչության անդամ Վահագն Խաչատրյանի՝ պատանիների առօրյան շատ հագեցած է անցնում:

«Պատանիներին սովորեցնում ենք ազգային երգ ու պար, կարդում ենք դասախոսություններ՝ նրանց մեջ սերմանելով ազգային արժեքներ եւ սեր առ հայրենիք ու ժողովուրդ», - ասել է նա:

Վ. Խաչատրյանի խոսքով՝ այս պայմաններում բավականին դժվարություններ են ի հայտ եկել ճամբարի կազմակերպման ընթացքում:

«Ճամբարը պլանավորված էր նախքան Արցախի լիակատար շրջափակումը: Այդ շրջափակումն էլ ավելի սրեց առկա իրավիճակը եւ բազմաթիվ խնդիրների առաջ կանգնեցրեց մեզ: Դժվարությունները, սակայն, պատճառ չհանդիսացան, որ մենք հետ կանգնեք մեր առջեւ դրված խնդրից: Մենք մեր առջեւ նպատակ էինք դրել այս պայմաններում պատանիների համար ապահովել աշխույժ ու ուրախ առօրյա՝ հագեցած նոր գիտելիքներով, ժամանցային, մշակութային ու սպորտային ծրագրերով, ցրել նրանց բացասական մտքերն ու մտածումները», - ասել է Վ. Խաչատրյանը:

Ճամբարը ՀՀԴ երիտասարդականի համար ավանդական է: Դրանք կազմակերպվում էին եւ մինչեւ պատերազմը, եւ պատերազմից հետո: Ըստ Վ. Խաչատրյանի՝ պատերազմից հետո կազմակերպվել են շուրջ 12 ճամբարներ՝ Արցախի տարբեր համայնքներում, որին մասնակցելու հնարավորություն են ունեցել շուրջ 1500 պատանիներ:

«Մենք այս ծանր ժամանակաշրջանում պարտավոր էինք ավելացնել աշխարհի տարբեր երկրներից ՀՀԴ երիտասարդական միությունների հետ համատեղ կազմակերպվող ճամբարների քանակը, որպեսզի հետպատերազմյան ծանր մթնոլորտը կարողանայինք ցրել ու չզրկել պատանիներին իրենց գունավոր մանկությունից: Ցավոք սրտի, այս տարի Սփյուռքից մեր ընկերները չկարողացան ժամանել», - նշել է Վ. Խաչատրյանը:

Ճամբարի նկատմամբ բավականին ուշադիր են հատկապես Մարտունու շրջանի ՏԻՄ մարմինները՝ ի դեմս Մարտունու քաղաքապետ Ազնավուր Սադյանի:

«Հիմնական խնդիրներից մեկը Մարտունիում քրի սակավության հարցն էր, սակայն Մարտունու քաղաքապետի եւ տեղական իշխանությունների աջակցությամբ այս հարցը լուծվեց: Սննդի հետ կապված հարցերը եւս նրանց շնորհիվ լուծվեցին, եւ կարողացանք հնարավորինս պատանիներին ապահովել նաեւ ուտե-

լիքով: Ճամբարի մասին տեղեկացել է նաեւ ԱՀ ՆԳՆ ոստիկանությունը, ԱՀ ՆԳՆ ԱԻՊ ծառայությունը, ովքեր այցելել եւ ծանոթացել են ընթացող աշխատանքներին, իսկ բուժքրոջ կողմից իրականացվում է մշտական հերթապահություն», - ասել է նա:

Ճամբարը մեկնարկում է առավոտյան ժամը 08:00-ին եւ ավարտվում 14:00-ին: Ըստ Վ. Խաչատրյանի՝ ճամբարը սպասվածից ավելի հետաքրքիր ու արդյունավետ է:

«Երեխաների կողմից սպասված են ճամբարները: Նրանք էլ ակտիվ մասնակցում են ու մեծ աշխուժություն են ցուցաբերում: Այդ աշխուժությունը բավականին ոգեւորիչ է պատասխանատու կազմի համար: Մարտունու պատանիները հատկապես աչքի են ընկնում իրենց կարգապահությամբ ու պատասխանատվությամբ: Վստահ եմ, որ գալիք օրերն էլ ավելի հետաքրքիր են լինելու», - եզրափակել է Վ. Խաչատրյանը:

Վ. Խաչատրյանը նշեց նաեւ, որ ճամբարի ընթացքում ճամբարականների հետ համացանցով կապ են հաստատել աշխարհի տարբեր երկրներից դաշնակցական երիտասարդներ եւ պատանիներ:

«Նպատակն էր՝ կոտրել պատանիների ինքնամեկուսացումը: Նրանք ջերմ ու ընկերական հարաբերություններ են ձեւավորվել հատկապես Ավստրալիայի հայ պատանիների հետ: Նրանք ծանոթացել են, գրուցել ու միմյանց ուղղել հետաքրքրող հարցեր: Ճամբարականները ավստրալիայի պատանիներին են ներկայացրել իրենց սովորած կանչերն ու երգերը: Մեր գլխավոր նպատակն այն է, որ պատանիները ճանաչեն միմյանց, նոր գիտելիքներ ստանան, գնահատեն ազգային արժեքներն ու Դաշնակցության դերը», - ասել է Վ. Խաչատրյանը:

Ճամբարի ընթացքում կազմակերպվել են ճանաչողական արշավներ, ֆուտբոլի, ինտելեկտուալ խաղի, կրակային պատրաստության, երգ ու պարի եւ այլ սպորտային ու հետաքրքիր խաղային մրցույթներ:

ՀՀԴ պատանեկան ճամբարի փակման արարողությունը տեղի է ունեցել հուլիսի 28-ին: Այն նվիրված էր Լիզբոն 5-ի գործողության 40-ամյակին:

Միջոցառման ընթացքում պատանիները իրենց ծնողներին եւ հյուրերին ներկայացրել են երկու շաբաթների ընթացքում իրենց սովորածը: Յնչել են Լիզբոն 5-ի տղաների խոսքերից, նրանց նվիրված բանաստեղծություններից ու երգերից, իսկ ծրագրի 2-րդ մասը նվիրված էր Հայաստանին ու Արցախին: Պատանիները ներկայացրել են Արցախի ու Հայաստանի մասին երգեր, բանաստեղծություններ, պարել ազգային պարեր:

Միջոցառումը պատանիներն ավարտել են իրենց մայր հողում խաղաղ ապրելու մանկական երազանքի մասին բարձրաձայնելով ու Արցախը ամուր պահելու նրանց հավատը վերահաստատելով: Միջոցառման ավարտին ելույթ են ունեցել ՀՀԴ Մարտունու կոմիտեության անդամ, հայրենադարձ Շանթ Չարաֆճյանը եւ ՀՀԴ Արցախի երիտասարդական միության Կենտրոնական վարչության անդամ Վահագն Խաչատրյանը, որից հետո հայտարարվել են ճամբարի հաղթող թիմն ու ամենակատիվ մասնակիցները, որոնց հանձնվել են պատվոգրեր ու նվերներ:

Շանթ Չարաֆճյանը նշեց, որ ՀՀԴ կուսակցության մեջ սովորություն չկա իրար շնորհակալություն հայտնելու, ուստի կազմակերպիչներին ասաց. «Ձեր վարձքը կատար, հաճախակի եկեք Մարտունի եւ նմանատիպ ծրագրեր կյանքի կոչեք: Կուզեի շնորհակալություն հայտնել ծնողներին: 2,5 տարի է, ինչ ասարում եմ Մարտունիում, հասցրել եմ ծանոթանալ բոլորին, եւ տեսել եմ, թե ինչպիսի լավ դաստիարակություն ունեն ձեր երեխաները: Այս 2 շաբաթների ընթացքում էլ ավելի համոզվեցի դրանում, տեսա, թե ինչպիսի տաղանդավոր երեխաներ կան, երբ երգում, պարում ու ասումներում էին»:

ՀՀԴ ԱԵՄ-ի ԿԿ անդամ Վահագն Խաչատրյանն էլ իր խոսքում շնորհակալություն հայտնեց Մարտունու քաղաքապետարանին, ԱՀ ՆԳՆ ԱԻՊ եւ ոստիկանության Մարտունու շրջափակման ճամբարի կազմակերպման օժանդակելու համար:

«Շնորհակալություն ենք հայտնում հատկապես

ծնողներին, որ այս անորոշ օրերին իրենց զավակներին վստահեցին մեզ: Այս երկու շաբաթների ընթացքում պատանիների հետ միասին մենք կարողացանք սովորել ազգային երգեր ու պարեր, ունենալ դասախոսություններ, արշավներ եւ այլն: Հուսով ենք՝ մեր այս փոքրիկ քայլով կարողացանք որոշակի չափով ուրախություն բերել պատանիների առօրյան: Այս դժվարին պայմաններում սա այն նվազագույնն էր, որ կարողացանք անել նրանց համար», - ասել է Վ. Խաչատրյանը:

Նրա խոսքով՝ այս երկու շաբաթների ընթացքում այնքան են մտերմացել վարիչները ճամբարի մասնակիցների հետ, որ շատ դժվար է նրանցից բաժանվելը:

Ճամբարի կազմակերպիչները հրաժեշտ են տվել ճամբարականներին՝ նորից վերադառնալու խոստովելով: Վ. Խաչատրյանը մեզ հետ զրույցում նշեց, որ այս ճամբարը դրական առումով առանձնանում էր նախորդ տարիներին կազմակերպված բոլոր ճամբարներից:

«Համեստություն չեմ անի, եթե նշեմ, որ այս տարվա ճամբարը վերջին տարիների լավագույն ճամբարներից մեկն էր, հաշվի առնելով թե՛ պատանիների կարգապահությունը, թե՛ ցուցաբերած ակտիվությունը: Իհարկե, զգալի էր շրջափակման բացասական ազդեցությունը նրանց հոգեւիճակի եւ տրամադրության վրա: Նախկինի պես չկային պատանիներին բնորոշ չարածիությունը, անհնազանդությունը: Մենք մեր աշխատանքում փորձում էինք նրանց հնարավորինս ակտիվ պահել, ուրախ պահել: Մեզ մոտենում էին պատանիները, ու խոստովանում, թե ինչպես է նրանց բառապաշարից անհետացել վատ բառերը: Մենք հենց սկզբից ժարգոնային բառեր օգտագործողներին թեթեւ պատիժ էինք տալիս, այնուհետեւ նկատեցինք, որ պատանիները սկսել են միմյանց օգտագործած վատ բեռերը նկատել ու ինքնուրույն պատժել դիմացինին: Բավականին մեծ արձագանք ենք ստացել նաեւ ծնողներից, ովքեր նույնպես անհատապես մոտենում ու շնորհակալություն էին հայտնում մեզ ու ասում, որ անհավատալի էր նրանց համար, որ իրենց երեխաները կարող էին այդքան փոխվել դեպի լավ», - ասել է ԿԿ անդամը:

Վ. Խաչատրյանը ընդգծեց նաեւ այն փաստը, որ երեխաների մոտ կարողացել են ձեւավորել թիմային մտածելակերպն ու ստեղծել նոր մեծ ընկերություն:

«Վերջին օրը պատանիները խոստովանեցին, որ իրենց թիմերում կային մարդիկ, ովքեր միմյանց հետ լավ հարաբերություններ չունեին, կամ չէին շփվում միմյանց հետ, սակայն ճամբարի արդյունքում ընկերացել են եւ դարձել մի մեծ ընտանիք: Մենք նրանց սովորեց-



նում էինք միմյանց հետ խոսել ընկերով, ինչպես խոսում են վարիչների հետ: Պատանիներից մեկը վերջին օրն ասաց, որ այնքան է փոխվել իր բառապաշարը, որ անգամ աղոթելիս Աստծուն սկսել է ընկեր Աստվածով դիմել: Այս ամենը ոգեւորիչ ու պարտավորեցնող է մեզ համար՝ շարունակել նրանց հետ աշխատանքը, որովհետեւ մեր պատանիներն աշխարհի ամենախելացի ու կարգապահ պատանիներն են, ովքեր արժանի են ուրախ մանկության ու պայծառ ապագայի», - եզրափակել է Վ. Խաչատրյանը:

«Ապառաժ»

Միտելի ընթերցողներ, Ամառային արձակուրդի պատճառով «Ապառաժ»-ի հաջորդ համարը լույս կտեսնի 2023թ. սեպտեմբերի 2-րդ տասնօրյակում: